


# *INO NDA MUCITA BUTI JESU UUTEGWA KRISTO?*

 Mwami aku longezeze, Mukwesu Vayle. Mwabuka, beenzuma. Nda muka lyoonse. Billy wali kundaambila kuti Ndali jisi, cifumo cino, elyo Ndi jisi miswaangano yakubuzanyanya kwakumbali ili makumi otatwe, elyo Nda kajisi bobilo babo, aboobo, Nda syoma bobilo na botatwe. Aboobo Nse konzyi kubweza boonse, nywebo mulizi, a bantu kabalindila, alimwi bakali kulindila mupepa lya mazina kwa myeezi a myeezi. Elyo Mwami wali kucita zintu zipati omuya. Oh, Ngu—Ngu Leza wesu. Tali Nguwe na?

<sup>2</sup> Lino Ndili masimpe, cifumo cino, kuti toonse tu lizi kuusa kupati kwa kacitika ku cisi eci, ku fwa kwa Muleli wesu, Ba. Kennedy. Nekubakuti Nse kazuminana a muntu mu tunzenyu twakwe a mu bukombi bwakwe, pele nekubaboobo ta elede kweelela kufwa mbuli boobo. Peepe. A kusiya bana abo baniini kunze, nkabela kakutakwe taata. Elyo mutumbu uli. . . Muka. Kennedy, nekubakuti Nse konzyi zuminana ncobeni a nguwe, a nzila zyakwe a zintu, ndiza, pele, amuyeeye, walo mutumbu. Waa ka sweekelwa buyo bavwanda bakwe, elyo waa ka sweekelwa mulumi wakwe. Elyo wa kawida moonya mu mabelo akwe, a bulowa bwa mulumi wakwe mwini bwakatikila aa zibelo zyakwe. Eco ncibyaaabi.

<sup>3</sup> Sena mwaksola kuyeeyya. . . Ziindizimwi tu yeeya kuti ubamba ciliisyo ku cisi, mu masitaelo a zintu. Eco inga caba boobo, acalo. Pele sena mwakalizi, Muka. Kennedy kwiina nakamvwa imwi ya Milumbe eyi nje Ndi kambauka kujatikizya eyo? Ikuti na wamvwa umwi wa Mulumbe, inga waa cita candeene. Elyo bamwi bacizi besu abo balimvwa, nkabela nekubaboobo taba kazungani a ncico. Mwabona? Mwabona? Mwabona? Waa kakomezegwa kali muna Katolika; nku koonse nkwazi. Taakwe kulwana ceeco, mwabona. Waa. . . Eco nciyanza. Taakwe kulwana bantu, bantu ba Katolika. Eco nciyanza, ciyanza ca Katolika, mbuli buyo muna Presbyteria, Methodisti, na kufumbwa umwi wabo, mwabona, na Pentekoste, kufumbwa wa ncico. Calo nciyanza, kutali bantu.

<sup>4</sup> Ba. Kennedy, Ndi yeeya kuti, kacita ii—ii mulimo mubotu wakuba Muleli. Moyo wangu ufwiwa luse ku mukaintu wakwe. Elyo Nda limvwa kuusa loko kujatikizya ncico, kuti acalo cisi cesu cini inga cacita, zigebenga azimwi zimbi mu cisi cesu, inga zyacita cintu mbuli ceeco.

<sup>5</sup> Ikuti na to konzyi kwiimpana a muntu, mbubo, a kobweza

kwiima kwako omwini; alimwi kwiina kaambo ka kujaya muntu umbi, nkaambo buyo ka zintu mbuli ezyo. Elyo balo bana baniini balizi, kati, mulombwana umwi muniini wakati, “Lino Nse cijisi umwi wakuno sobana awe. Taata wainka.” Mwabona?

Aboobo lyoonse Nda kayeeya kuti eco inga caba ciimo cangu, buzuba bumwi. Caka citika kutandila ziindi zisyoonto, mbuli mbo muzi, kudubulwa mu masi ambi; cindi ni bakacita kujatilila mibili yabo kuli ndime, kundi tantamuna ku kudubulwa kwa ntobolo, ku musinzo mulamfu.

<sup>6</sup> Aboobo ikuti na muntu wafwa mbuli booboo...Pele, oyo i—i muolo waka bbadelwa, eco ceenda a bulemu bwa zintu zyandeene. Mwabona? Ndi yeeya kuti tulasika akati atandila ku Muleli wane onse, omwe kuzwa muli bone, ula jaigwa, elyo Ndi limvwa bubi kujatikizya nkuko. Mause kuti inga twaba a muntu uli boobu mu America, uunga wacita cintu mbuli eco.

<sup>7</sup> Elyo lino, nekuba, mbuli mbo Nda kaamba, Nse—Nse kazuminana a tunzenyu twakwe. Ndili...Nse citi, nse kazuminana a mizeezo yakwe ya ceeco ncakali kusola kucita. Pele, nywebo mwabona, walo muntu umbi. Elyo tii Nda kazuminana a cianza cakwe ca bukombi. Nse—Nse kazuminana ncobeni aceeco. Pele, nekubaboobo, wa—wa kakomezegwa mu nzila eyo. Obo—obo mbo bwakabede. Mbuli Mbwe kaamba, ndiza nakamvwa cintucimwi candeene, kwayanda nicakaba candeene.

<sup>8</sup> Tu jisi ii—ii cintu awa nco tucita, cakuti kufumbwa umwi wa bantu besu aafwa, na cintucimwi, nokuba ku...Ndi yeeya mbuli ii—mbuli mbungano ya America, mbuli mubili wa bana America...

I bantu bana America bakavootela Ba. Kennedy kuba Muleli. Elyo ako kakali...Nkekaambo nco tuli kulisalila kwa demokrati. Nse kaba vootela Ba. Kennedy. Nda kavootela Ba. Nixon, nkaambo Nda kali bazyi Ba. Nixon, cigaminina. Alimwi Nda—Nda kabayanda, alimwi Nda—alimwi Nda kabavootela, cigaminina, nkaambo Nda kabayanda. Pele bantu ba cisi eci, bana America, basicisi bamusyobo wangu wa cisi eci, bakasala Ba. Kennedy. Elyo nzila mboba kacicita, ee, eco cili akati kabo a Leza, pele eco nce cinji booboo.

<sup>9</sup> Pele Ndi yeeya kuti, ku kaambo ka mutumbu oyu, muntunsi, mutumbu wa bana, Muka. Kennedy, sa tatukonzyi kwiimikila buyo asyoonto ku mupailo wakwe?

<sup>10</sup> Mwami Jesu, swebo to bantunsi, tuli jisi kulimvwa kuli umwi aumwi. Elyo twa usa, Mwami, kuti Muleli wesu waka dubulwa kumusanza nzila mbwa kabede, mu bujayi bwa lunya. Elyo twa usa loko kuti cisi cesu caboola ku kasena aka, kuti bantu bali booboo bali—bali mu cisi cesu, abo banga bajaya muntunsi mu bujayi bwa lunya; mbuli mboba kadubula oyo mukwesu uusiya kutali ciindi cilamfu cakainda, aku mudubula ncobeni mu lunya,

lwa kucimwa kubi nkambo ka mukowa. Elyo twa usa loko kuti bantu bali boobu bali akati kesu, Mwami. Swebo, bukompami bwesu, twa leta ceeci.

<sup>11</sup> Elyo twa kombela Muka. Kennedy, mukaintu oyu wa yooyu, Muleli. Elyo tu lizi bavwanda baniini kabalanga kuli bawisi babo—babo, baka basiya mazuba masyoonto kakutanaba eco, muntu sikukkomana, a kuvulukuta akusobana ambabo aa cibuye. Lino taba jisi wisi. Elyo ku mwanakazi oyo. . . mukaintu wakwe, ulya mulumi wakwe wini wakawa moonya mu mabelo akwe, a bulowa bwake kabu kunka aa diresi lyakwe; kazikka muvwanda wakwe.

<sup>12</sup> Elyo nekubaboobo, Mwami, inga twa syoma mwanakazi mukuba mu bulubizi, ku i—i—i nzila nja kabamba ciliisyo mu cisi, ca kusama kwakwe azimwi; pele eco—eco cikonzya kuba ku bantu bana America, muli boonse, balo, eco ncenco ncoba yanda. Aboobo twa—twa mukombela, cifumo cino, kuti Uyo mugwasya. Elyo andiza kuyooba ciindi mu kufwidwa kwakwe oku kupati kuteeti uya kujana Bwani, Jesu Kristo! Ko cipa, Mwami, Oyo Walo ukonzya buyo kupa luumuno a kuumbulizigwa mu oora lya penzi.

<sup>13</sup> Elyo kotu gwasya, Mwami, kuzumanana kuba, a myoyo yesu yoonse, mumuni uumweka, kuti ta tuzyi ciindi na koongelezya nko tukonzya kuba ku muntuumwi umbi. Atu mweke Mumuni wa Kristo kusikila Aka boole. Mpawo Mweembezi Mupati wa butanga, Oyo uzyi kululama konse, uyo leta cibi conse mu kuliya nkoto, alimwi Uyo ziba buyo nzila ya kucicita. Elyo mane mpawo, twa lipa mu maanza Aako, nkambo luyando a luse Lwako aali ndiswe. Mu Zina lya Jesu. Amenii.

<sup>14</sup> Iiyi, Nse yeeyi kuti muntu weelede kufwa mbuli boobu. Lino, Ba. Lincoln tiiba keelede kufwa mbuli boobu. Ba. McKinley tiiba keelede kufwa boobu. Huey Long takeelede kufwa boobu; taakwe umwi wa balombwana. Nse syomi muli ceeco. Bajayi, eco ncibi. Balombe besu tiiba kalwana balinguzi nkambo ka cintucimwi mbuli ceeco. Ndembela yesu tiya kasumpulwa ku cintucimwi mbuli ceeco. Ta tuli basicisi bana America ku cintucimwi mbuli ceeco. Peepe. Nekubakuti, cisi cesu cili civumbidwe a kunyongana mu cibi, eco nce—eco nce cicita zintu ezi. Eco ncibi.

<sup>15</sup> Lino, sunu tu jisi. . . Ndiyo yiisya cikolo ca Munsondo, a zintu zisyoonto Nze yanda kwaamba ku mbungano. Alimwi eco, ncintu citaanzi, Ndi yanda kuti mudi jatile ku mujata kwa ciindi cilamfu kuseeni Munsondo cindi Nda nojisi eyi Milumbe. Elyo mpawo ikuti na Mwami uyo. . . I kaambo Nce citila ceeci, nkaambo kakuti Ndi—Ndili omuno akati ka bantu bangu alimwi Ndi—Ndi yiisya njiisyo canguzu buyo mbuli Mbwe zyi nzila. Nse yiisyi njiisyo ezi kuya ku masena amwi. Ndi ima buyo a i—i mbaakani zipati zya Makanimabotu. Pele ezi

njiisyo ezyo ziyumu, Nse—Nse ziyiisiyi mu—mu masena amwi. Elyo mpawo, awa, cinditolela oora, ciindicimwi, maora obilo na otatwe, ku kumanizya Mulumbe wangu. Elyo Nda mujata okuno ziindizimwi, twelufu theeti, wani okuloko. Elyo eco nciniini buyo nce Nda kali kucita. Nda kali kunga ndakkala busiku boonse, kutandila, ciindicimwi. Nda kaunka, twa katalika mukati, ziindi zinji, a eiti okuloko akuya ku muunzi cifumo cakatobela aa tuu na thrii, mbo mbubo, kuzwa ku miswaangano.

<sup>16</sup> Pele Ndiyo—Ndiyo—Ndiyo sola ku, cindi Nda boola a ndinywe alubo, elyo buyo ii—ii aniini . . . ii nkambauko mubusena bwa kuyiisya oku kapati, citakuti Nda muzibya kumbele lya ciindi kuti uyooba cintucimwi. Nkaambo, Ndi jisi Myeembo ili Ciloba, Nda syoma, iboola mujulu, eyo iswaanganya moonya mu Cinamatizyo Cacisambomwe. Cindi Cinamatizyo Cacisambomwe nica kalila, yoonse Myeembo ili Ciloba yaka kwasa a ciind comwe, nywebo mwabona. Elyo aboobo tu . . . Ndi yanda kujana ceeco ku Mbungano kakutanaba Kuboola Kwakwe, ikuti . . . na kuunka kwangu, na kufumbwa mbo cinga caba, ikuti Nda konyza.

<sup>17</sup> Lino, ikuti na twa cita ceeco, mpawo tuyo muzibya kumbele lya ciindi. Elyo ndiza mpawo, mbuli mbo tubona cifumo eci, mahoolo alisyankene, a malambo, a konse, tuyo sola . . . Tu jisi busena lino inga twa konzya kusika atala awa. Bula kkala kutandila bantu bali zyuulu zyoatatwe, alimwi mbuyake bubotu bwa cikolo mpoonya atala lyesu okuno. Elyo Myeembo ili Ciloba, tuyo sola ku zikambauka kutala okuya ku cikolo eco. Elyo eco ciyopa busena bukubwene bwaku kkala, nywebo mwabona, kutegwa inga twa njizya bantu.

<sup>18</sup> Tu yanda kulungulula, ku New York, twa jisi buyo ciindi cibotu loko. I Buyake bupati bwa Morris kuya, twa kazwaa kujosya bantu, busiku abumwi. Ba kali syankene mukati. I mulilo . . . I muntu oyo wa kajisi busena . . . Silutwe ulanganya mililo wakali kunga wajala busena ikuti na twa balekela kwiima, kusyankana mukati mbuli obo. Elyo mpawo twa kacita kubasandula. Elyo bantu okuya mu kagwagwa, kabeenda koonse akoonse mu tugwagwa, kupaila kuti muntuumwi inga wakatala akubuka kuzwa, kutegwa bakonzya kunjila akujana zyuuno. Mwabona? Muntu omwe biyo, bacita kulindila buyo alya ku muntu omwe, kuti banjile. Elyo umwi utobela umwi ku mulyango, alimwi mpawo balekela omwe mbuli boobo. Cindi muntuumwi aimikila akuzwa, kacita kufwambaana kuya ku muunzi, ee, bakali kunga bala njila a kwaabana kunji oko kwa neico. Mwabona, bakali kunga basika. Ni nkamu mbotu, ya bantu mbotu. Alimwi Ndila syoma mu inyika, mbungano ya Banakristo, ifwa nzala ya Leza.

<sup>19</sup> Lino Nda—Nda—Nda syoma kuti . . . Ndaku lumba, mukwesu. Ndi—Ndi syoma kuti—kuti Leza uyo tupa coolwe eci, oko nko tukonzya kuboola antoomwe a kuba aa Myeembo

eyo yamamanino ili Ciloba. Ndi yanda kusololelwa kucita zintu ezyo, kutegwa muzibe.

<sup>20</sup> Mpawo ku kalimbabula ka bantu basimakwebo. . . Kanji, chipati cabo okuya, Ndi yeeya kuti bakati baka jisi kuli konse kuzwa ku makumi osanwe kusika ku mwaanda aa kalimbabula kabo. Elyo cifumo eco bakasambala matiketi ali myaanda ili kkumi aciloba, a kulekela busena bumwi mukati, kuyo bweza busena. Alimwi mu tukondo tonse, a kuzunguluka malambo, atala ansi lya matantilo, kwa kaimvwi bantu. A bakutausi bamwi bazyuuno zyaatala, bapaizi basyoonto, a—a bamwi, bakaliko kukumvwa Mulumbe. Elyo aboobo, Nda mvwisya, Nda syoma caka gwasya aniini. Kwayanda cacakita cimwi—cimwi ciinda, ciindi eco ncotwa kalino yeeya nconzyo kuba.

<sup>21</sup> Lino, mpawo, sunumasiku i. . . Tu yooba a. . . Mulumbe sunumasiku, na Mwami wayanda, aa—a ciiyo ca—ca nzila, kujatikizya ziimo zyanu kuli Kristo. Elyo lino eco ciyo. . . Ci yooba cisyoonto. Tu yanda kutalika, Ndi yanda kuba mu zikambaukilo aa seveni theeti. Ikuti. . . Nciindi nzi nco mutalika kanji, aa seveni theeti? [Ii mukwesu waamba, “Tu talikila aa seveni theeti, pele tuyo talika a seveni.”—Mul.] Oh, ciloba, alimwi Ndi nooli aa cibumbili a seveni theeti, elyo eco ceelede kundi gusya a eiti theeti, ikuti na Mwami wayanda, nkaambo Ndi—Ndi buyo. . . Ndiyo fwambaana mbuli mbo Ndi konzya, elyo Ndiyo talika kucita cita.

<sup>22</sup> Mpawo cintu cimbi, ngu, antela beenzu bamwi baswiilila bantu baseka. Nkaambo, Ndi sola kuzwa awa, pele ta Ndi konzyi kucicita. Ci baanga. . . Nda syoma tacimvwiki kusanka cintu cisetekene, pele bamaama bakali kunga bati, cindi bantu nibakali kubungana mbuli boobo, cili mbuli mulaseesi ya sogamu aciindi ca cifumo citontola. Nywebo mulizi, ula namatila, akweenda aniini. Elyo aboobo itandila kuba nzila ili obo. Nde enda aniini mu Milumbe eyi, nkaambo i—i bubotu bwa nzimbe ya Leza, nywebo mulizi, kubaanga nkutubamba kulema antoomwe. Alimwi Nse—Nse—Nse citi, kuta ciyanda nzila imbi. Ndi—Ndi ciyanda buyo munzila eyo. Oko, Nda yeeya twa kali kunga tulaima a kwiimba lwiimbo olo:

Kalelekwa kaanzyo ako kaswaanganya  
Myoyo yesu mu luyando lwa Bunakristo;  
Luswaanano lwesu lwa mizeezo iikozyenye  
Luli mbuli lwa Kujulu. (Mwabona?)

Twa mwaikana,  
Kula tupa kucisa kwa mukati;  
Pele tu cino swaangene mu moyo,  
A kulangila kuyo swaangana alubo.

<sup>23</sup> Elyo Ndi—Ndi syoma kuti obo buyooba bukanze bwesu—bwesu okuno lyoonse. Bunji bwa basalali abo bakaindi bakoona kuzwa ciindi eco, pele tu cisangene mu moyo. Elyo Ndi yeeya

kuti eco cilengaano cifumo eco, ku babona okuya, a ziimo zikubusyi zya kalelekwa a bulemu zya bukobusi a bwanakazi, nekubaboobo bacilibonya mbuli mbo bakacita okuno, cindi nibakali ano aa nyika. Ndi yeeya kuti balindila kuboola kwesu. Buzubabumwi tuyo basangana, Leza kayanda. Lino Ndi—Ndi . . .

<sup>24</sup> Elyo amuyeeye miswaangano, miswaangano ya nyimbo iyo talika a seveni okuloko sunumasiku, mucibaka ca seveni theeti.

Elyo mpawo, mvwiki iicilila, Ndili ku Shreveport, Louisiana, alimwi kuya ku Life Tabernacle ku Shreveport, Louisiana. Elyo Ndi yeeya kuti bali mukusola kujana buyake bupati mu kagwagwa. Mukwesu Moore wakandi tumina masiku ainda, kati ba . . . Muswaangano wabaiminzi ucitika amwaka, alimwi balangila makamu mapati aa bantu.

<sup>25</sup> Ndi yanda kupa bumboni buniini Nke tana buyo kubala Magwalo. Ii—ii mulindu wakali kkede awa buzuba bumwi, kwa kali . . . Kumwaambila koongelezya mbo cili cintucimwi ku muntuumwi kupailila umwi. Nda kacitika buyo kulanga ansi a kubona mulindu umbi Ngwe biyo . . . Margie Cox, mukaintu wa Mukwesu Rodney Cox ukkede awa. Elyo mvwiki yainda, Nda syoma mbo cakabede, cindi ni twakali kuno, i Muuya Uusalala wakali kupa kutweluka koonse ku mayake, nywebo mulizi, obo bantu mboba kaamba. Elyo waa kali kkede . . . Uli kkede mpoonya awa lino. Pele wakali kwiindilila buyo alya abusena bumwi. Elyo Nda—Nda kalanga koonse, nkabela kwakali mulindu oyo—oyo wakaitwa, oyo wakajisi bulwazi bwa shuga. Elyo Margie wakali . . . Elyo mu cilengaano cakali ca Margie. Elyo Margie wakaliimvwi alya; elyo nekuba Nda kalanga ansi, Nda kamu bona, elyo cakali ii . . . Elyo Nda kayeeya . . . Elyo Nda kalanga kuti ndibone oyu mwanakazi umbi, a Margie wakali mu cilengaano, pele Mumuni wakali atala lya mwanakazi. Aboobo Nda—Nda kalangilila.

<sup>26</sup> Elyo Nda kayeeya, ee, ikuti na Nda ita Margie, bayo amba kuti, “Masimpe, obo, masimpe.” Muntuumwi uli bazi, kwaamba, “Baa, wa—wa . . . Mulumi wakwe ngumwi buyo wa beenzinyina bakwe—bakwe bamunsi. Ba kkala antoomwe, boona antoomwe, bavwima antoomwe, a—a zintuzyonse. Masimpe, eco, na kaciziba eco.” Pele Margie taakazi obo. Pele Nda katumina mulindu umbi, oyo wakali ii . . . Nda syoma, wakali mucizi uuzwa mu Chicogo, mbuli Mbwe kamvwa kumane.

<sup>27</sup> Pele mpawo kusika, kuti muli yakwe . . . i fakitori, bapa kulangwalangwa kwa diabetisi. Alimwi—alimwi waa kajisi diabetisi. Elyo aboobo waa kali mu lweendo lwakwe, buzuba bwa zoonaa, ku kabbadela nkaambo ka ncico. Elyo—elyo aboobo cindi na ka caamba, mpawo Nda kamwiita kwiibaluka kwa ceeci. Elyo Nda kati, “Boola okuno, Mucizi Margie.” A

kumwaambila makani anzila mbwa kali kuba acinywe mu maanza akwe, a—a nzila mbwa kali kulimvwa bubi kapati.

I mulindu muniini ulabeleka isikati a masiku, kutandila, kutala kuya, ku. . . mutumbu muniini uusyomeka, kugwasya mulumi wakwe kubbadela ku muunzi wabo oyo ngo bali mukusola kuyaka. Elyo—elyo walo a mucizi wakwe muniini, Nellie, a Charlie, oyo munyina wa Rodney, mukaintu wakwe, a boonse babo kaba beleka antoomwe ku mafakitoli okuya, canguzu buyo mbuli mbo bakonzya kuunka. Elyo kabazunda sampu. Ba lalekela masusu abo kulampa, akugusya kulipenta, zintu mbuli ezyo, cindi baba Banakristo. Ndila syoma mu kupa kulumbaizya awo kulumbaizya mpo kweelela. Elyo ncobeni Ndi jisi busena bupya mu moyo wangu ku banakazi abo bobilo bakubusyi.

<sup>28</sup> Elyo mpawo kumu bweza ku janza a kumu kombela. Elyo waa kaunka, nkabela tiiba kakonzya kujana mukondo wa diabetisi ali onse. Ya kamana, akwalo.

Ii mulindu uli kkede moonya omuno abusena bumwi, oyo wakaitwa, elyo wakali mucizi wa zina lya Bruce. Nse mubwene kuseeni okuno, pele walo lyoonse wakali. . . Walo mwanakazi uukubwene loko kupaila. Alimwi oyu mwanakazi wakasika nkabela, cakali ciindi camamanino Ne kali okuno, alimwi kwaka nyina—nyina makkaadi amipailo akapegwa, na kwiina, aboobo tii kwakaba umwi, kwiina mundando wa mipailo, aboobo ba buyo. . . I Muuya Uusalala wakaita ku bbunga.

<sup>29</sup> Elyo oyu Muka Bruce muniini, waa ka—waka ponesegwa lomwe, lwakwe, ku kkulenge. Elyo lyoonse waa—elyo lyoonse ujisi mukuli aa moyo wakwe wa muntuumwi umbi, nkabela waa kali kukomba buyo. Elyo kwakali mulindu uzwa ku Louisville, oyo wakali kufwa, kkulenge mu kameneno. Elyo kuciindi nakali kupaila, Muuya Uusalala wakaunka nkoonya ku mwanakazi oyo, aku mwiita, akufumbwa Neo wakacita, kumwaambila kuti wakalini, ka mwaambila, mubwini, kuti waa kalini, a penzi lyakwe mbo lyakabede, alimwi kuti utandila kuba akkulenge, a kwaamba waa, inga caba kabotu. Elyo mulindu muniini wakaunka ku muunzi.

Mazuba masyoonto kwiinde ceeco, waa katalika kufundilila calufu, kutandila, kameneno kakwe kakazimba atala eni. Wa kakola kapati, mpawo kkulenge lyakatapukila anze. Elyo uli kabotu. Mwabona?

<sup>30</sup> Ncinzi cakacitika, nywebo mwabona, mulwi, wini, mbulwazi bwa malinginiti buli jisi buumi muli ncico. Mwabona? *Kkulenge*, elyo lizwa ku i—i bbala, bwambe bwa masilike, a “inkala,” lyaamba kuti lijisi maulu manji, mbuli i—i nkala njomu jana mu lwizi nkabela—nkabela linyonka bulowa bwako kuzwa kuli nduwe. Elyo cikoto eci cabulwazi maligninati mu kameneno kakwe nca kajisi, ca kali, obo mbo cakali cita.

Lino, mwabona, Nse langanya cikoto. Ndi langanya buumi buli mu cikoto. Mwabona? I buumi buli mu bukomena mboobo mbo tubeleka. Mwabona? “Mu Zina Lyangu bayo tanda madaimona.” I bbala *dyabulosi* ngu “sikupenzya,” mbuli mubili. Elyo oyu wakali dyabulosi. Elyo mpawo cindi buumi nibwa kazwa mu kakomenena, mubwini, obo bwakalekela cikoto kutalika kuzimba.

<sup>31</sup> Mbuli buyo mubwa muniini oyo wakasyondwa mu kagwagwa, cintucimwi mbuli ceeco, amu muleke akkale kwa mazuba masyoonto, mpawo, nkabela ula zimba kobilo ku musela wakwe.

Ee, eco nce cakali kupanga mwanakazi muniini kuya bwiindila. Ziindi zinji Nda ka cipandulula. Ikuti na waindila, eco nce citondezyo nciconya cakuti wa ponesegwa, yebo wabona. Elyo aboobo ulaindila kubija ciindi conse, a ku mufundilizya, nkaambo cakali kuzimba. Elyo i . . . Pele caka lekezya, buumi bwakali zwide muli ncico. Elyo kukola kwakwe mbuli boobo, nywebo mwabona, [Mukwesu Branham wakola—Mul.] mbuli *obo*, kasotoka, ka cisomona kuzwa ku mubili wakwe. Alimwi cintu cakafwa, mubili buyo uutakwe buumi muli nguwo, kkulenge lyakamana, lyakatapukila anze, mwabona, kuwida anze.

<sup>32</sup> Aboobo, eco cintu, mubili wakazwa mpawo. Oyo taakali dyabulosi wakazwa. Eyo yakali ng’anda omo mwa kaponamo. Wa kazwa nkaambo lusyomo lwa mwanakazi muli ceeco ca kaambwa kuli nguwe, mukuziba kuti Jesu Kristo ngu mbobuca nguwenya, sunu, amuya myaaka, eco nce cakajaya kkulenge, kagusya buumi.

Lino, kwayanda waa jokela kuli dokotela, elyo dokotela wakati, “Bufuba, i—i—i cintu nkocili buyo mbuli mbo cakabede lyoonse.” Pele eco cakali luleme, cikoto cakaliko, pele kutali buumi, tii bwakaliko. Mwabona?

<sup>33</sup> Lino, ino kuti eco cakali kubusena bumwi oko nko caatali kukonzya—kukonzya kuzwa?

Sa eco nce cifwanikiso? [Mukwesu Neville waamba ku Mukwesu Branham, “Eco ncifwanikiso ca cikoto cakazwa kuli Muka. Baker, kuzwa okuya ku Springville, Indiana. Elyo waa . . . Eci ncifwanikiso caka komezegwa, mwa kainda, kumane mupailo.”—Mul.] Nceeci cifwanikiso ca cikoto cizwa kuli Muka. Baker, uuzwa ku Springfield, Indiana, cakazwa, kumane mupailo. Eco ncifwanikiso caco. Mwabona, oyo mubili omo dyabulosi mwakaponamo.

Mbubonya mbo pona mu mubili oyu moponena; inga waba muniini, mupati, wamasusu asubila kumutwe, wamasusu asiya kumutwe, kufumbwa mbwanga waba. Mwabona? I dyabulosi na kaponu mu mubili oyu, na Kristo ulapona mu mubili oyo. Ee,



mpawo cindi buumi bwazwa muli nguwo, mubili wako ucili ano aa nyika, mwabona, pele buumi tabuli omuya.

Cindi buumi nibwa kazwa, mubili wakacili omuya. Elyo mpawo cakazapuka kuzwa ku mubili wakwe nkabela wakatandwa, mubili wakazwa.

Pele ikuti na cili mu busena ta cikonzayi kwiinda, mpawo moyo wako weelede kusala cintu eco cifwide a kusalazya bulowa, ziindi zyoonse waduntaana. Cipa ntuntumaanzi, a zintuzyonse zimbi, nkaambo nkuyambukilwa. Nywebo mwabona? Elyo moyo wako weelede ku... Ndi yeeya kuti moyo usalazya bulowa mbuli mbo wiindilila. Sa mbo mbubo, Mucizi Dauch? Ndi yeeya kuti mbo mbubo. I moyo, mbuli mbo uduntaana, ula salazya. Narsi, nywebo mulizi, alimwi umwi umbi ukkede kumbele lyakwe. Kusala... kubweza i... Alimwi eco nco cileta ntuntumaanzi kuzwa kukuyambukilwa bulwazi. Ila bweza bulwazi bwakuyambukilwa a—a kukunka ntuntumaanzi.

<sup>34</sup> Lino, bantu, nywebo mwabona, lwalo ndusyomo lwako. Takuli kulimvwa kwako. Tacili cintu, naa cili boobo, ikuti na janza lyangu tali tonkomene. Eco tacikwe cintu comwe cakucita a ncico. Lwalo ndusyomo lwangu lucita ceeco. Mwabona? Nkoonya kumbele lyesu, tula bona cinkozya ca muntu wakaponesegwa caculondoka, ku lusyomo. Elyo mpawo tu cita buyo ntaamo a ntaamo kusikila twa njila moonya mu muntu oyo, a kuzumanana kweenda ncobeni a ncico. Mwabona? Mpaawo we. Elyo eco, nce cicicita, lusyomo lwako; kutali kulimvwa kwako. Lusyomo lwako lula cicita. I kulumba a kulumbaizya kube kuli Leza!

<sup>35</sup> Lino kaindi buyo kaniini ka mupailo, alimwi tu jisi ciiyo awa nco tuyanda kupa kulanganya, a ciindi ciniini eco Mwami ncanga wabeleka a ndiswe kweendelana kuli ceeci.

Elyo, lino, alimwi mpawo ikuti na bamwi banu beelede kuunka cifumo cino, nkabela taba kabi mu kuswaangana kwa ku mangolezya, i Mwami nawayanda, Ndi—Ndi yanda kuyooba okuno alubo. I mukwasyi ula jokela mvwiki ya Krisimasi. Elyo mpawo, Munsondo kumane Krisimasi, na Mwami wayanda, Ndi yanda kukambauka Mulumbe wangu wa Krisimasi okuno ku cikombelo; Munsondo kwamana Krisimasi. I Mwami nawayanda, cibalo ciyooba, *I Mukumbizi Mu Kagwaga*.

Aboobo atu kotamike mitwe yesu eno a kupa mupailo katutana kubala cibalo.

<sup>36</sup> Mwami Jesu, koba Nduwe uli mumsi lyesu ku ciindi eci. Elyo tu lizi kuti nciyumu mu mbungano yesu niini, alimwi cindi banji baimikila. Elyo—elyo tuli waano kutali kaambo ka kulikwaya mu busena, obo butupa kulikwaya kwakunyama, nkaambo tabu jisi kulikwaya. Alimwi ta tuli waano ku kubonwa. Pele tuli waano nkaambo tula bumvwa Busyu Bwako. Elyo tu

lizi kuti Uli waano. Alimwi tuli kokuno ku kululamikwa. Elyo tuli waano, mukuziba kuti tuli mu ng'anda ya Leza. Elyo tu limvwa kabotu kuba waano, takukwe makani mbo kutalikwayi kabotu, i baimvwi, alimwi—alimwi bakkede kabasyankene, pele tuli waano nkaambo kakuti tu—tu limvwa kuti Leza mpali ano.

<sup>37</sup> Elyo nzila njionya mulombe oyo nja keelede kulimvwa busiku obo, cindi Paulo naka kambauka busiku boonse, ino mulombe mulamfu, antela kuzwa ku kubbila kwa zuba kusikila kupasuka kwa zuba, cifumo cakacilila. Elyo mulombwana mukubusyi kakkede atala eni, wa kawa nkabela ba kayeeya kuti wakainka. Elyo Paulo wakalazika mubili wakwe ali nguwe, a Muuya wa Leza wakali aa mutumwa wakajosya muuya wa buumi mu mubili wa mulombe. Elyo wa kati, “Uyo oba kabotu,” nkabela mwaalumi mukubusyi wakapona. Wa kali kubikkila maanu muli eco Paulo ncakali kwaamba.

<sup>38</sup> Elyo, Leza, tula yandisya cifumo cino eco Muuya Uusalala ncounga waamba ku myoyo yesu. Elyo twa komba kuti Uyo pasaula Cinkwa ca Buumi kuli umwi aumwi wesu, kuti cindi twa zwa awa sunu, kuti ta tuzwi mu buyake obu katuli bantu mbabonya mbo twabede cindi nitwa njila. Akube kuti Banakristo babe muni loko kuli Nduwe. Akube kuti basizibi banyone sunu. Akube kuti balwazi baponesegwe. Alimwi akube kuti Bwami bwa Leza buswene kuli ndiswe, na nokuba kuba muli ndiswe. Nkambo twa cilomba mu Zina lya Jesu Kristo, mbuli mbo tu lindila aa Muuya Wakwe ku tupa Majwi. Amenii.

<sup>39</sup> Lino atu bale lumwi lwa Lugwalo, luli. . . Ijwi lya Leza lili luleme lyoonse.

Elyo lino, alimwi umwi aumwi, Nda bona muli basibuuya loko kuli bamwi baimvwi. Nda bona muntuumwi kabuka a kukkala, a kupa muntuumwi umbi cuuno. Eco cili kabotu loko. Ni twali jisi busena bumbi, pele ta tubujisi pe, elyo ku ciindi eci.

Amu jule kuli Matayo 27, nkabela tuyo bala kuzwa ku kampango ka 11, elyo mpawo tuyo kanana aa ciiyo eci.

*Elyo Jesu wakaima kumbele lya mweendelezi: nkabela mweendelezi waka mubuzya, kwaamba, Sena uli Mwaami waba Juda? . . . Jesu wakati kuli nguwe, Yebo waamba.*

*Elyo cindi naka tamikizigwa ku bapaizi bapati a i baalu, taakwe nca kaingula.*

*Mpawo Pilato waka mwaambila kuti, Uli mwwide na kuvula kwa zintu nzo batamikizya nduwe?*

*Elyo taka muvwa bbala; cakuti oyo mweendelezi wakagamba kapati.*

*Lino ku i pobwe i—i mweendelezi. . . wakali kuyanda kwangulwida bantu mwaange, oyo nga bakali kuyanda.*

*Elyo mpawo kwa kali mwaange ii wampuwo, uutegwa Barabasi.*

*Nkikaako cindi niba kabungana antoomwe, Pilato waka baambila kuti, Nguni ngo Ndiyo mwaangulwida? Barabasi, na Jesu oyo uutegwa Kristo?*

*Nkambo wa kalizi ku kaambo ka bbivwe baka mwaaba.*

*Elyo wa kabikkwa aa cuuno ca lubeta, mukaintu wakwe waka mutumina, kwaamba, Utabi...cintu cakucita a muntu oyu ululeme: nkambo Nda penzegwa zintu zinji buzuba obuno mu ciloto nkaambo ka nguwe.*

*Pele bapaizi bapati a baalu bakoongelezuya nkamu ya bantu kuti balombe nguwe Barabasi, a kunyonyoona Jesu.*

*I mweendelezi waka vuwa akubaambila kuti, Nguuli ali baaba bobilo Ngwe ti mwaangulwide? . . . (Amuyeeye buyo eco!) . . .Ba kati, Barabasi.*

*Pilato waka baambila kuti, Ino Nda mucita buti mpawo Jesu walo uutegwa Kristo? Ino Nda mucita buti mpawo Jesu walo uutegwa Kristo? Elyo boonse baka mwaambila kuti, Aba mbulwe.*

*Elyo mweendelezi wa kati, . . .mbubi nzi mbwa kacita? Pele ba koompolola kunji, kabati, Aba mbulwe.*

*Mpawo Pilato wakabona kuti ta kakonzya kuzunda cintu, pele mubwini lupyopyongano lwa kaba, wa kabweza maanzi, a kusanzya maanza akwe kumbele lya nkamu ya bantu, kaamba kuti, Nse jisi mulandu wa bulowa bwa oyu muntu ululeme: amu libonene nobeni.*

*Mpawo bakaingula bantu boonse, a kuti, bulowa Bwakwe bube ali ndiswe, aku bana besu.*

*Mpawo wa kabangulwida Barabasi: alimwi cindi na kakwibbawula Jesu, wa kamwaaba kuti akabambulwe.*

<sup>40</sup> Ino ncifwanikiso cakuusa! Nda ita cibalo ca ceeci, ikuti na muyanda lugwalo mu nzila eyo, na ku ciita boobo. Elyo ndiza teepu ya yanda kupegwa bubande buli boobu: *Ino Nda Mucita Buti Jesu Uutegwa Kristo?* Elyo ciiyo nce Ndi yanda kubelesya, kwamana kuba cibalo; Ndi yanda kubelesya ciiyo, “a Jesu mu maanza anu.” A Jesu mu maanza anu, ino uyo cita nzi?

<sup>41</sup> Cilao cesu cila talika, cifumo cino, mu hoolo ya lubeta; oko Pilato, mweendelezi, wakaitwa aa cilao, ku—ku cita a—a kubamba lubeta. Cakali cifumo maningi, kaindi kakutanaba bucedo, elyo wa kanyonganisigwa kuzwa mu ng'onzi zyakwe, alimwi—alimwi wakaitwa kuzwa ku mwawa i—i kaambo ka Muntu oyu.

<sup>42</sup> Cakali ciindi ca kubambulwa kwa Mwami a Mufutuli wesu, Jesu Kristo. Ta ka—Ta kacita cintu, mbuli mbo bakali kukonzya kujana muli Nguwe, alimwi Wa ka—Wa kaingula zintu zyoonse. Lya kali oora nconzyo cakuti ca keelede kuba boobo.

Taakwe cintu cikonzya kucitika kakutakwe cintucimwi kunze lya ncico kucicitya boobo. Kweelede kuba kaambo kamwi ka zintuzyonse zicitika. Nkaambo cila—cila kulwaizigwa, mubwini, ku i—i muuya uuli mu zilenge, alimwi mu bantunsi, azimwi. Kuli kaambo, kaambo ka ncico, alimwi ii—a bukanze, alimwi kweelede kuba kaambo.

Elyo ci, kaambo eci nco cakeelede kucitika ku Muntu oyu mupati maningi wakasola kupona aa nyika, na kusola kukonzya kupona; kaambo nco caka citika nzila eyi, nkaambo cakali ciindi kuli ncico kucitika. Mwabona? Ceelede kuba obo, alimwi kwakanyina nzila ya kuciloboka. Ca, ca keelede kuba ku ciindi eco.

Elyo Jesu wakasika ku nyika mbubonya buyo nzila Ijwi lya Leza mbo lyakaamba kumbele kuti Uyo boola. Wa kacita mbubonya eco Ijwi ncolya kaamba kuti Uyo cita. Wa kaponi buumi, mbubonya buyo, nkabela Leza waka yubununwa, na kutondezegwa, Lunyungu lwa ciindi eco. Lino amuyeeeye, Leza . . .

<sup>43</sup> I Bbaibbele lilatalika ku Matalikilo a kuunka ku Ciyubunuzyo. Lino nceeci ciyo eco Nce—Nce yanda kuti mumwisyeyi, kuti . . . Mwabona, mu nzyalani aimwi ya kaambwa, mu Bbaibbele, ca cintu cimwi cicitika kwiinda mu nzyalani aimwi.

Mbuli Daniele mbwa kabona i . . . kupandulula ciloto ca Nebukadinezara; obo mami aba Bamasi mbwakali kuyo njila, alimwi obo mbwakali kuyo selemuka, alimwi obo mbwakali kuyo mana. Elyo umwi aumwi wa bantu abo mu mikowa a masi ayo, ezyo inguzu zya Bamasi zyeendelezya, zya kayeendelezya inyika, kacita mbubonya buyo nzila cilengaano mbo cakaamba kuti ciyo cita.

<sup>44</sup> Cindi Nebukadinezara, mutwe wa ngolide, wakatolwa, mpawo ba Medesi-Persia wakasika mukati; a bupange bwabo, kweendelana ku i—i bupange bwa zintu, a kweendelana kuli ceeco musinsimi nca kaamba, mbubonya buyo. Nebukadinezara, mutwe wa ngolide, uuli ngo mupati maningi a mutaanzi wa Bwami. Mpawo ba Mes-ot-Persia mukuba nsiliva. Elyo mpawo kuyabuya muciiindi cakatobela mu zibelo, zya—zya kuba wa mukuba. Alimwi lubulo alumwi lwakayuma a kuyuma kapati; ngolide mukuba ntete loko. Elyo ilagola mu butale, buli nciyumu maningi kuli zyoonse ezyo, ngu butale.

Lino, umwi aumwi wa mami ayo kaboola ansi mbubonya buyo, kwiinda ku bulenge, nzila eyo musinsimi nja kaamba kuti bayo cita. Elyo ino wa kali kucita nzi? Wa kali kumiza mbuto ya

masi ku langilila, alimwi ciindi conse obo bwami ni bwakatalika, bwakacita kweendelana kuli ceeco Ijwi elyo ncolya kaamba.

<sup>45</sup> Elyo mpawo Mesiya wa keelede kusika aa cilao. Elyo cindi Kristo nakasika aa cilao, Wa kacita kwiingula ayo Majwi aa Leza akeelede kuzulila, eco musinsimi nca kaamba, eco Nca yoocita.

Musa wakati, “Uyo oba ii—Uyo oba Musinsimi uli mbuli ndime.” Elyo ikuti na mwaba . . . ni twajisi ciindi cakukozyanisa ceeco kaindi akutondezya buyo eco kuti mu ciindi cipati loko, cindi Israyeli niyakali mu buzike kwinda ku Egepita, obo Musa mbwa kazyalwa kali mwana, uugambya musalesale; a nzila mbwa—mbwa kayutuka, alimwi waka busigwa, aboobo mbwa kasiswa mu matete; a nzila mbwa kaba musololi, kanjila mu malundu a kujana mulao, a kujoka aansii. Elyo takali musololi buyo; pele wa kali mupaizi, a mwaami, a mweendelezi. Zintu ezyo zyoonse, a nzila eco mbo cakatondezya buyo Kristo mbubonya. Elyo Musa wakati, “I Mwami Leza wanu uyo busya Musinsimi mbuli ndime.” Mwabona?

<sup>46</sup> Lino, cindi Kristo nakazyalwa, Israyeli alubo mu buzike kwiinda ku Bulelo bwaba Roma. Elyo ino Wa kalinzi? Kazyalwa kali Mwana musalesale, a ugambya, obo Mbwa kakomezegwa. Obo Mbwa kaunka atala lya malundu, a kuseluka a kuti, “Mwa kabamvwa kabaamba, balo iba ziindi zyakaindi, ‘Muta kabbi.’ Mwa kabamvwa kabati, ‘Muta kaciti bumambe,’ pele Nda amba, kufumbwa muntu uulanga mwanakazi caku musukama, wacita kale bumambi kale.” Ii Sikupa Milao, mwabona, a Mwaami, Mupaizi, i Musinsimi, mbubonya buyo mbuli nguwe. Aboobo zintu ezi zyoonse zya keelede kuzulizigwa, elyo cindi mwaakwe oyo naka lede awo ku buumi bwa Mesiya, cindi eco nica kasimpikizigwa cakulondoka.

Lino, eci ndiza inga caba ciyo cilamfu cakainda Nce ndi yiisya kwa kaindi. Ndi yanda kuti mumvwiye kabotu eno.

<sup>47</sup> Cindi Ijwi nilya kaambwa ku nzyalani eyi imwi, kuyooba muntuumwi unoya kubuka aa cilao uyo zulizya Ijwi eelyo, nkaambo Leza waka Li kanana. Nkusimpikizigwa kwa Ijwi lyakaambwa. Elyo Jesu waka kkwanya zyelelo zyoonse, alimwi wakali Ijwi, lyaka simpikizigwa mbuli Mesiya, mbubonya. Kuli Majwi akwalo, akaambwa mu Bbaibbele, ku buzuba bwamamanino. Ayo Majwi aeleda kusika ku buumi.

<sup>48</sup> Elyo tu jana kuti awa, cindi mu mazuba aa Mwami wesu, mbungano yaka Mu kaka kale Ka tana boola ku hoolo ya lubeta iya Pilato. Ba ka Mu kaka, kuzwa ku buzuba mbubonya mulimo Wakwe niwakatalika kusinsima a kubaambila Bwini kujatikizya Ijwi. Mpawo, tiiba kakonzya kumvwiya ceeco, nzila Walo, mukuba Muntu, mbwa kali kukonzya kuziba eco cakali mu myoyo ya bantu. Nkusoonto nkobakazi, kuti, Ijwi ngu Leza! “Elyo Ijwi,” Bbaibbele lya kati, “ngu sikutweluka wa miyeeyo a makanze aa moyo.”

<sup>49</sup> Elyo ba kali kuyanda ku Mwi ita kuti muuya mubi. Wa kati, “Ndiyo mujatila kuli ceeco. Pele cindi Muuya Uusalala wasika kucita cintu nciconya, ku kanana ijwi kuli Ndilyo tali kajatilwi.”

Elyo zintu ezi zyoonse ezyo Nzya kasinsima kuba mu buzuba bunu, cintucimwi keelede kuleta eco ku buumi. Pele cindi Lya kuletwa buumi, Liyo indana kapati kwinda bantu mboba Li yeeyela, mane ciyo—ciyoba biyo Basale bayo Ci bona. Lyoonse, biyo Basale balikke mbebaya ku Li bona, nkaambo Ba kaanzwa akusalilwa ku Li bona. Nkikaako, ta cikonzyi, taakwe nzila imbi.

<sup>50</sup> Jesu wakati, “To konzysi kuboola kuli Ndime. Taakwe muntu ukonzya kuboola cita kuti Taata Wangu wamukwela; a bone Mba ka Ndipa bayo boola kuli Ndime.” Mwabona? Mwabona? Aboobo kwakanyina nzila. Wa kati, “Muli jisi meso nkabela tamu konzysi kubona; matwi, tamu konzysi kumvwa.” Kati, “Ee Isaya waka sinsima kujatikizya ndinywe.” Mwabona? Cisinsime ca Isaya cakapasuka, mu kuyubululwa.

Muta lubi eco, awa na sikuswiilila mateepu, kuti Ijwi lya Leza lyelede kuyubululwa. Leza uli sinikizidwe kubona kuti Lya cicita.

<sup>51</sup> Mbubonya mbuli Johane Mubapatizi mbwa kasalilwakale ku kusolola kuboola kwa Kristo, kwa keelede kuba muntu umwi kubuka kuzo tola busena obo. Eelyo Ijwi lyelede kuzulizigwa.

<sup>52</sup> Mpawo cindi Jesu nakasika mbuli Mesiya uunanikidwe, a kucita mbubonya buyo eco Ijwi lya Leza ncolya kaamba kuti Uyo cita; elyo nekubaboobo ba Juda bakali kulangila cintucimwi cimbi, “i Mwaami kaboola a musako wa butale mu janza Lyakwe,” eyo yakali nzila kuciindi ciza. Pele Wa kazulizya Ijwi lyoonse.

Okuya buzuba bumwi mu Kapenaumu, cindi Na kabweza Lugwalo a kubala, (sena mwakabona?) Wa kabala buyo cibeela ca Lugwalo olo. Elyo mpawo Wa kabikka Bbuku ansi, a kuti, “Sunu eci cazulizigwa.”

<sup>53</sup> Cindi Na keelede kukambauka mwaka wa lwaanguluko akuboozezya, lino, nkaambonzi Nca taka bala amwi a Ndilyo? Nkaambo Li jatikizya Kuboola Kwakwe kumbi. Tee bakali kuyandikana kuziba ceeco. Obo mbo bukkalo cindi Naya kuboola.

Pele bukkalo obo Mbwa kabede, ako nkekaambo Nca kali kukonzya kwaamba, “Olu Lugwalo lwazulizigwa sunu mu meso aanu. Mpoonya awa mula Lu bona. ‘Ku kambauka ciindi cisalidwe, a kwaanga batyokede myoyo, a kuponya balwazi.’” Eco ncencico Nca kaboolela.

I kumwi kwa Ncico kwakali—kwakali kuleta lubeta kuli Bamasi, azimwi zimbi, aboobo eco ciboola kutobela. Mwabona, Bamasi bakacita ku Mu kaka, lutaanzi.

54 Lino, ku kubambulwa, awo mpo tubede sunu aa ciiyo, ca, “Jesu mu maanza aanu.” Ijwi lya Leza lyaka simpikizigwa cakumaninina, lya tondezegwa cakuloololwa, kuti Wa kali bwiinguzi ku Ijwi lya Leza. Oko kwalo balembi. . .

55 Nywebo mwabona, Leza waka Li bikka kale. Lekela mulimo ku Li langalanga. Pele, nywebo mwabona, bala bweza ijwi lya muntuumwi umbi kujatikizya Ndilyo; nkamu imwi ya bantu. Ba koofwaazigwa maningi ku Bwini, kuti, cindi Bwini bwatondezegwa, balakakilwa ku Bu bona. Pele, nywebo mwabona, Leza uli buyo, Uli Li jisi kalilembedwe awo. Wa kacilemba, moonya mu Bbuku, eco ciya kucitika asunu, aboobo Liyo zulizigwa. Pele bamwi abo bata kasalwa ku Ci bona, taba ka Ci boni pe, mwabona, ba—ba ka Ci nyonganya coonse.

56 Alimwi eyo nje nzila mbobaka Li jisi kaindi. Tii baka Lizyi kuti wakali Nguwe. Elyo ku zitondezyo kuti Wa kali Mutumwa wa ciindi eco, taakwe muntu wakali kukonzya kucikaka. Musinsimi Wakwe waka cikanana; wa kati, “Mebo, Nde elede kucesegwa, pele Uyo sumpuka. Ta ndeeleri kwaangulula mabbusu Aakwe, pele Uli imvwi akati kanu lino,” wakaamba Johane. “Elyo Uyo boola. Elyo keembe kali bikkidwe ku muyanda wa cisamu; alimwi masamu taazyali micelo iya kuzwa ku zisaka, cakuti, na kuzwa ku i—i muunda wamasaansa, na i—na muunda wamicelo minji. Ta ucikabi limbi.”

57 Lino, tu jana kuti zintu ezyo zyaka citika mbubonya buyo nzila Mbwa kaamba. Wa kali kukonzya kutweluka miyeeyo yabo mu moyo wabo. Wa kali Musinsimi. Zintuzyonse Nzya kaamba kumbele, zyaka citika munzila njionya Nja kazyaamba.

“Nda inka kutala ku Jerusalema. Okuya Njo angululwa mu maanza aa bantu basizibi. Elyo bayo Mu sampaula canguzu, nkabela Uyo bambulwa. Elyo ku buzuba bwatatu Uyo buka alimwi.” Pele kati, “Mubone kuti utaambili muntu oyu.” Elyo Wa ka Ci ofwaazya kuzwa kuli mbabo, cakuti tiiba ka Ci mvwisya kusikila Eco cakazulizigwa.

58 Mwabona, ziindi zinji Ula tulekela kofwaala kusikila ku oora ndotu Li yanda. Ula tulekela kuba boofu ku zintu nzo tubona sunu, nkambo eli nde oora ndyo tubulide Ndilyo, ku kusimpikizya buzuba obo mbo tubede. Mwabona? Bamatata besu tiiba kazi zintu ezi. I Bbaibbele lyakati taba kazizibi. Wa kaasisa, alimwi mu—mu mazuba akumamanino Liyo yubununwa ku bana ba Leza; na, kubamba, bayo yubununwa, ku tondezya bulemu Bwakwe a kulumbaizya Kwakwe aa nyika.

59 Alimwi konse oko Danieli nkwa kaamba kujatikizya mazuba akumamanino, anzila yabo, “Baya kumuziba Leza wabo akucita zigambya.” A magwalo manji loko katondezya mu buzuba obuno mbo tuponamo! Obo ziindi ezi, zibi zyalweeno mbo ziya kuba aa nyika! Elyo mbubonya buyo mbo tujisi lino ku Li zulizya.

Ba, ba ka—ba kapegwa ciindi caku Mu bona, alimwi, pele baakaka nguonya Mesiya wabo.

Elyo sunu ncintu nciconya, cintu nciconya. Tula pegwa ciindi ceelede, nkaambo Leza takonzyi kubeteka kakutakwe kusaanguna kuba . . . muku lulamikwa ku lubeta Lwakwe.

Lino, ikuti na waka ambila ii—ii muntu umwi uselemuka mugwagwa, kabalika; inga wa mwiimika, akuti, “Kuli i—i cidindi mu mugwagwa kunselelo kuya. Ikuti na wazumanana lubilo olo, uyo jaigwa.”

<sup>60</sup> Elyo ba lati, “Bufuba, Ndi lizi eco Nce cita.” Mpawo, nywebo mwabona, bulowa tabu konzyi kuba ali ndinywe, nkaambo mwa kaba cenjezya cakumaninina.

Ee, Leza ulacita cintu nciconya kwiinda ku Ijwi Lyakwe. Ula cenjezya kumaninina bantu lubeta luza buboola, a kutondezya zitondezyo Zyakwe a zigambyo ezyo zya kaambwa kumbele mu Bbaibbele ku bukkalo obo. Ula batondezya, a bantu ba Li indilila buyo.

Tacili citete ku muntu kwiinka ku gehena. Ii muntu ulalwanina nzila yakwe kuya ku gehena. I bubeji butaanzi mbo kasola kwaamba, uli zyi kuti cakali ncibi. Musanga watombwe mutaanzi ngo kasola kufweba, wakalizi kuti ncibi. I bubi butaanzi mbo kacita, wa kaziba kuti bwakali lubide. Pele mu manjeezya ako, nco kaamba kuti cakali cibi, pele cakuzumanana kwiinda malaiti asubila, wakalimba zisinkilizyo. Tokwe ndaba antenda. Yebo uyanda kucicita, nekuba, kutondezya kuti uli mulombwana mulemu. Mwabona? Pele, amuyeeye, ula lwana nzila yako kuya ku gehena. Tacili citete kuunka ku gehena. We elede kukaka Bwini.

<sup>61</sup> Kotanaba amootokala wanyonyooka, weelede kwiinda a malaiti aasubila. Kotanaba amootokala wanyonyooka, weelede ku, kunselelo okuya mu mugwagwa, uli jisi i—i kucenjezya oko kwabikkwa. Pele, yebo, uli jisi nzila yako kuli ncico, muntu ulijisi sunu. Elyo uli zyi kunji kwiinda muntu uuli oonse uumbi, alimwi ta ka swilili ku i—i zitondezyo a kucenjezya kwa Lubeta kuboola, a baabo bakaka Kristo.

<sup>62</sup> Lino amubone, alimwi eco nco bakatambula mu busena bwa Kristo oyu. Lino amuyeeye mbungano ya buzuba obo, boofu bwabo. Ba kakaka mujayi wa buleya, Baraba. Ii muntu oyo wakatondezegwa kuba mujayi, alimwi wakali kulindila lubeta lwakwe ncobeni. Elyo wa—wa katondezegwa ku—ku ba mujayi, alimwi wakali muntu mubi. Elyo nkaambo buyo kakuti—kuti Buumi bwa Jesu . . .

Kwalo, Walo, Wa kabazundikizya. Wa kati, “Nguni umwi wanu ukonzya ku Ndi tamikizya cibi?” *Cibi* calo “nkutasyoma.” “Ikuti na Nse citi milimo ya Taata Wangu, nkokuti muta Ndi syomi; ikuti na Nse mwaambila Bwini bwa Lugwalo. Alimwi Lugwalo lwa kandaambilila, Lwini. Amulingule Magwalo,”



Wa kati, “nkambo muli Ngawo muyeeya kuti mujisi Buumi Butamani, alimwi Nge Ngawo alungulula Ndime mu bukkalo obu.”

<sup>63</sup> Pele ba kati, “Ula libamba Leza Mwini. Ula lipanga cintucimwi Mwini.” Ta kapanga cintu . . . Leza waka Mu bamba kuba Leza; Wa kali Leza. Wa kali kuzulizigwa kwa Lugwalo. Ta kalibambila cintu cili coonse Mwini. Leza waka Mu bamba obo Mbwa kabede. Elyo, mpawo, nkaambo lyakali oora lya Ijwi eelyo kuti lizulile. Aboobo, pele tiiba kakonzya ku Ci bona, nkaambo Cakali kulwana mizeezo yabo yatubungwe, eco ncoba kayakwa kujatikizya Kristo. Elyo cakali ofweede loko kuzwa ku Ijwi.

<sup>64</sup> Lino, alimwi kunze lya ceeco, kuti bagwisye oyu Mulombwana, ba kacita kuzumina mujayi, cigebenga cabuleya, acalo. Wa kali nkoloto ku bukkale bwa bantu, nkoloto kuli mbabo; mujayi! Kacita kutambula ceeco, nkaambo, ku—ku kaka Kristo.

Elyo mwaalumi na mwanakazi umwi katana kuzumina cilubide, beelede kukaka kabotu. Kuli cintucimwi kujatikizya bulenge, jisi mulao kuli ncico, kuti weelede kukaka cintu ciluleme kotana konzya kutambula cintu cilubide.

Mbuli mbo Nda zwaa kubalulula, ku—ku tantamuka kwaamba bubeji. . . Wa—wa kaamba bubeji kulwana lubeta lwako lubotu. Wa kabejala manjezeezya ako. Wa kabejala banyoko na bazyali nco baka kuyiisya kucita. Na, abwalo bulenge bwini bula kuyiisya kuti toelede kucicita. Aboobo, nkikaako, nywebo, kukaka Bwini, mweelede kutambula ii—ii—ii bubeji, alimwi weelede kukaka Bwini kotana konzya kutambula bubeji. Mwabona?

<sup>65</sup> Aboobo nje nzila aba balombwana mbo bakacita, ba kakaka Bwini. Elyo Wa kali Bwini. “Ndime Nzila, Bwini, a Buumi.”

“Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mu mubili wabuntu a kutondezegwa kumbele lyesu.” Muli Timoteo Mutaanzi 3:16, “Kakutakwe lukazyo, makani mapati aasisidwe aa buleza, nkambo Leza waka tondezegwa mu mubili wabuntu, kajataukwa a maanza esu.” Leza, Jehova! Cila—cila kataazy a kapati, cila kopa, kuyeya kuti Leza Oyo wakabikka i—i—i bubambe bwa mapulaneti azuba mu mwaakwe, wakapanga nyenyeezi zili cuulu kukomena kwiinda eyi inyika . . .

<sup>66</sup> Elyo ikuti na imwi ya nyenyeezi ezyo yatalika kuya ku nyika, kwa mamaile aali zyuulu zili kkumi mu oora lyomwe, baa, inga yatola myaka ili mamilioni ali mwaanda kusika okuno; ili kule maningi. Alimwi nyenyeezi ziyobilo ziniini kazikkede, kulibonya mbuli inci kutantamukana, kuzwa awa, kakuli zili tantamukene loko kwindi mbo tutantamukide kuzwa kuli nzizyo. Elyo, nekubaboobo, taakwe imwi yazyo cita ijatilila mu busena bwayo. Alimwi eyo galakisi mpati, oh, ma, kuvula a bupati bwa Leza

Oyo wakakonzya kulenga zintu ezyo! Aimwi ila jatilila kuli imwi imbi. Ako nkekaambo ila kkalilila munzila eyo. Ikuti na bazwa mu bweende bululeme, ciyanza coonse inga cawa.

<sup>67</sup> Eco nce cakacitika mu Edeni. Cindi Eva nakazwa mu bweende bululeme ku milao ya Leza, mukowa oonse wakawa.

Eelyo nde penzi sunu. Ta tweelede kwandaana mu tubunga a tubungwe, azimwi zimbi. Tweelede kuba bana ba Leza balombe a basimbi, kaba jatilide galakisi mpati ya inyika antoomwe.

<sup>68</sup> New York, mvwiki yainda, Nda kali kuswiilila ku mulumbe kubalulula, na kwaamba kwiinda kuli Einstein, muna sayaansi mupati, i—i walo utegwa musongo wa i—wa ciindi. Elyo Nda kali. . . kamvwa eco. Mpawo Nda kaunka kuyo mvwa Norman Vicent Peale, aa lwiiyo lwakwe lwa kulilemeka kwa mizeezo kujatikizya bantu mbo beelede kucita, na kweenda, a kulitondezya lwabo mu lwiiyo lwa kulilemeka kwa mizeezo.

Mpawo, aa Einstein, wa kali kukanana zya galakisi eyo yakali akati ka bupange awo, kuzwa ku nyenyeezi. Elyo ikuti na muntu weenda ku lubilo, Nda syoma wa kaamba, lwa mumuni, . . . Lino, Ndi yeeya kuti, ino ncinzi eco, . . . zyuulu zili makumi ali lusele acisambomwe? [Mukwesu Neville waamba, “Bali mwaanda amakumi ali lusele acisambomwe.”—Mul.] Mamaile ali zyuulu zili mwaanda a makumi ali lusele acisambomwe mu kavwalu komwe, oyo mumuni uleenda. Elyo lino pasaula eco mu maminiti osanwe, inga kwaba mamilioni a mabbilioni ongame amamaile. Alimwi ii—ii mamilioni ali mwaanda amakumi obilo a ciindi camumuni wamwaka aga kutolela kusika ku galakisi eyo. Elyo mpawo mwaanda amakumi obilo, na myaka ya mamiliono ali mwaanda amakumi osanwe; mamilioni ali mwaanda amakumi osanwe ainda, a mamilioni ali mwaanda amakumi osanwe kaindi.

<sup>69</sup> Elyo baka njila mu cintucimwi caka bagambya. Elyo balo, niba kamana kuunka okuya a kujokela, mubwini inga cakutolela myaka ili mamilioni otatwe kwenda musinzo, myaka ili mamilioni ali myaanda yotatwe. Myaka ili mamilioni ali myaanda yotatwe kweenda musinzo, elyo, cindi wa jokela ku nyika, mubwini wakalizwide buyo myaka ili makumi osanwe. Yebo unjila mu Butamani. Takukwe magolelo kuli Mbubo.

<sup>70</sup> Elyo kuyeeya, kuti, Leza Oyo wakapanga zyoonse ezyo a kuzibikka mu ncililano, a ku caamba, wakaseluka a kubambwa mu mubili wabuntu akati kesu, ku kutunununa. Elyo unga wa tulemeka loko a Busyu Bwakwe bupati, kuti Ula—Ula imikila awa a nyika eyi yabubi ku mazuba akumamanino, a kutondezya Ijwi Lyakwe kuba boobo, nkaambo Uli sinikizidwe ku Ijwi eelyo. Amen. I bupati a kululama kwa Umwi oyo mupati Walo ujisi zintu ezyo mu janza Lyakwe!

<sup>71</sup> Amubone, masi. I—i mbungano yeelede kukaka Ijwi Lyakwe, lutaanzi. Mpawo, mbungano niya kamana ku Ci kaka, a ku

Mwi ita kuti “Bezebule, na muuya mubi,” mpawo Lya kaletwa kumbele lya mfulumende, kutegwa mukowa onse kaupegwa mulandu. Lino tu jana Jesu, kuseeni okuno, kumbele lya ii—ii lya mweendelezi, Pilato, muna Roma, ku kusolekwa. Elyo tu jana kuti mbungano yaka Mu kaka, lutaanzi, nkaambo kakuti tiiba kasyoma Mulumbe Wakwe, nkaambo teeba kazi Ijwi.

<sup>72</sup> Jesu waka baambila, “Ikuti nimwaka—nomwa ka mvwa Musa, ni mwaka syoma Ijwi Lyangu, nkaambo ngo nguwe wa kaamba Ndime.” Mwabona? Ndeelyo Ijwi musinsimi. . . Eelyo, i—i Mwami liboola ku musinsimi, nkabela musinsimi wakaamba Ijwi lya oora lyakacili kuza. Alimwi mpaawa Lya kalizibya, akuti, “Mwaamba kuti Musa muli muzyi alimwi mweenzyi wanu. Ta mumuzyi Musa, alimwi tamu lizyi Ijwi lyakwe.” Mu majwi ambi, Wa kati, “Ndime Ijwi. Ndila lizibya Ijwi eelyo Musa ndya kaamba kuti liya kusika, nkabela mwa Ndipa mulandu.” Mwabona? Nkaambo ka tunsiyansiya twabo, mwabona, mbungano yaka Mu pa mulandu.

<sup>73</sup> Lino, tula Mu jana eno kumbele lya Pilato, a kutondezegwa cakumaninina, awalo, kalizibya ku ciindi, na mbungano, kwiinda ku mutumwa wa ciindi. Ba kapegwa ciindi ceelede ca kubona a kusyoma, pele ka Li kaka. Nkaambonzi nco baka Li kaka? Bunji bwabo bakali kuyanda kusyoma Ceeco; pele tunsiyansiya twabo, kutali bantu, pele tunsiyansiya twabo!

<sup>74</sup> Lino, nywebo mwabona, mbuli Nekodema mbwa kaboola masiku, elyo wa kati, “Simalela, tu lizi kuti Uli Mwiiyi uuzwa kwa Leza. Tu lizi kuti Yebo uzwa kwa Leza. Taakwe muntu ukonzya kucita zintu ezi ezyo Nzo cita citakuti Leza uli a Nguwe. Swebo. . .” Nguni “swebo” ngwa bandika? I mbungano, ba Farisi, basololi ba buzuba obo. “Tu lizi. Twa kalamwa cakumaninina kuti Uli Muntu oyo.” Nkaambonzi mpawo tiiba kakonzya kucicita? Nkaambo, cianza cabo. Ndi yanda ceeco kuti cimvugwe loko cakusakana, nkaambo nko nkuko Nkwe sika. Mwabona? I cianza moba kali njizizye beni, cakali ncico ncoba takali kukonzya kupusya. Nekubakuti bakacita kubona kuti Oyo wakali Mesiya, pele cianza ncoba kaswaangene aco tee caka balekela ku Li tambula.

Sena mula—sa mwamvwisya? Lino Ndi yanda kubuzya, kuzwa ku baswiilizi aba balibonya, mbangaye bamvwisya eco Nce kanana? Amu tambike maanza anu. Yaa.

<sup>75</sup> Lino, i cianza! Ba ka Ci syoma, alimwi baka lizi kuti Ca kali boobo. Obo mbo Ndi yanda kwaamba cintu eco nciconya sunu! Tula bona eco ceelede kuba waano sunu, nkabela tula Ci bona, pele cianza ta cika balekeli ku Ci tambula. Ba kasekkwa loko a cianza! Mwabona, tali muntu, ncianza.

Mbuli Mbwe zwaa kukanana zya Muleli wazwaa kujaigwa. Kutali muntu; kuciimo Mbwe zyi, walo muntu uli kabotu, ta

kacita cintu cimwi cibi mbuli Nce zyi. Pele nciyanza. Tabali bantu; calo nciyanza.

<sup>76</sup> Tii bakali ba Juda; cakali ciyanza cabo. Eco ciyanza caka Mu pamulandu, nkaambo tii Lya kabalekela kuba aciyanza cabo. Sena mwamvwisya? Lino, zintu nzyoonya zilacitika lino. Elyo baka sala sinkondo oyu wa buleya, mujayi.

Pele kaambo eno kakatamba mfulumende. Aboobo mfulumende yeelede kaamba, nkaambo aka, ku tola buumi, ceelede kuboola kumbele lya mfulumende. Tiiba kali kuzumizigwa kucita ceeco, nkaambo bakali kungsi lya i—i bweendelezi bwa Rome, alimwi tii bakakonzya kutola buumi kakutakwe kulanganya obo mbungano yabo mbo yakaamba kuti, “Twe elede kucicita.” Baa, tiiba—teeba kakonzya kucicita kakutakwe, kusaanguna, Rome kubapa kuzumizigwa kuli ncico. Aboobo, ceelede kuletwa kumbele lya mfulumende. Lino mfulumende ili tambidwe mu cintu.

Lino, ikuti na eco tacili ciimo ca sunu, Nse boni cintu. Mwabona, mbubonya buyo!

<sup>77</sup> I mbungano ila Ci kaka, lino ni mfulumende yakatambwa. I ciindi cakasika oko cisi, ca zyoonse, zyoonse, zya keelede kusika. I kaambo kakabambwa. I kazekele kakali afwaafwi. I cisi coonse caka Mu kaka, a kuleta bukali bwa Leza aali mbabo. Elyo kakutanaba i. . . Akwalo mbungano yaka Mu kaka, eyo yakali kuyo leta bukali aa mbungano. Pele lino cisi ca Mu kaka, kuleta bukali aali boonse.

Elyo, sunu, inyika ya Mu kaka, kuleta lubeta ku nyika yoonse. Masi oonse aeledede kubetekwa.

<sup>78</sup> Elyo tu lizi kuti eco caka citika mu ciindi ca silutwe mupati wampi muna Roma, Titus. Wa kazunguluka Jerusalemu mu kusaala, elyo mpawo kumalekelo buyo. . . Ba kalidilana bana; kulya cikwa kuzwa ku cisamu, nkabela bwizu bwakazwa aansu. Elyo—elyo mpawo Titus wakatanta moonya mukati a kumwayaula buyo malambo a kutenta muunzi, elyo bulowa bwaka selemuka—kunselelo lya tugwagwa mbuli boobo, awo mpa kabajaya omuya.

Elyo caka leelede kuba. Elyo Leza ululeme katana kulekela bantu, abo Mba kasalide, kuboola kungsi lya cintu cili boobo, kwa—kwa keelede kuba kaambo kaluleme. Walo uli luleme. Milao Yakwe—Yakwe isesa kululama. Elyo mulao uutakwe cisubulo tauli mulao.

<sup>79</sup> Ikuti na Nda ti, panga mulao omuno mu dolopo, “Cili ii—ii—ii kabotu kwindilila mumuni uusubila,” elyo mpawo kwiina cisubulo kuli ncico, inga wazumanana buyo kweenda twaindilila mimuni iisubila. Pele kulelede kuba cisubulo.

Elyo cisubulo ca mulao wa Leza, ku kaka mabambe Akwe, ndufu. Elyo kwa keelede kuba lufu, aboobo cakabbadelwa.

<sup>80</sup> Tu liimvwi mu kusolekwa nkukonya kuseeni okuno, inyika yoonse, kusolekwa. Toonse tubungwe twa likaka Ijwi. Ndi lizyi eco cilimvwisya bubi loko. Elyo Ndi yanda bakutausi abo baswiilila, okuno baliko a baabo bali aa teepu, abalo, kusola kumvwisya ceeci lino, eco Nce sola kucibamba antangalala. Pele Ndi jatilide kaambo kangu, na kubamba kaambo kangu awa, a kwaamba kuti tu liimvwi, sunu, mu hoolo imbi ya lubeta iya Pilato.

<sup>81</sup> Yebo wati, “Ikuti Ne kaliimvwi alya, Ne kaamba kwiminina Jesu Kristo.” Elyo, ee, ino ucita nzi kujatikizya ncico lino? Eco nce cintu. Mwabona? “Takukwe makani obo mbungano mbuya ka Mu kaka, inga Nda kaima muni lya lubazu Lwakwe.” Muli jisi ciindi ceelede. Uh huh. Mwabona? Ba, baka Mu kaka.

<sup>82</sup> Lino Uli mukusunkwa, asunu, na waka sunkwa, na mu kusolekwa, ku ciyanza ca inyika ciyanda kupangwa, eco citegwa, kkanso ya mabungano, ku—ku—ku panga mu i—mu Kkanso Yanyika iya mbungano. Lino, alimwi ncinzi ncoba cita? Ba kavoota kuti bayo kamantana antoomwe a kuba kkanso ya mabungano.

Elyo mu Kkanso eyi ya Mabungano, kuti mabungano oonse eelede kuzulilwa ku kkanso eyi, na, ikuti na tabaciti, tozumizigwi akwalo kuzumizigwa kukambauka, tozumizigwi akwalo kuba a mipailo ya baciswa. Elyo mbungano yako inga yabelesega ku cintu cili coonse nco bayanda kwiiibesya. Ikuti na bayanda kuyobola mabbokesi muli njiyo, na misyonga ya ntobolo, na kufumbwa ncoba yanda kucita, tojisi bweendelezi kuli mbubo pee. Yebo inga kozulilwa ku Kkanso ya Mabungano na tozulilwi nokuceya.

Elyo eco nce ciyanza cili mukupangwa okuno mu United States, eco cizulizya Lugwalo, mbuli mbo kweelede. Cila zulizya eco Mwami nca kaamba kuli ndime mu 1933, mwabona, alimwi tu liimvwi ku ciindi eco cifumo cino.

Elyo Jesu Kristo, Ijwi, lili ku kubetekwa, sunu, mbuli mbo cakabede aa kubambulwa, elyo lino Uli mu maanza esu. Uli mu maanza aa inyika. I Ijwi lyalizibya cantangalala, ku inyika yoonse, mwabona, alimwi Uli imvwi mu sukusyo. Tubungwe toonse twa ka Mu kaka. Elyo lino Wa soleka mbuli i...mu Kkanso ya Mabungano, nkabela baka Mu kaka alimwi a kusala mubwini mbuli mbo bakacita kaindi.

<sup>83</sup> Nywebo mwabona, bulenge mu makani aakale bulali loolola bwini, nkaambo bulenge bula zumanana mbubonya. Masamu ala zumanana kukomena, a mateo alama, a malubaluba, a inyika ilazunguluka mbuli lyoonse mboi cita. Bwalo mbupange. Elyo bupange bwa bukkalo abumwi bulazyala, alubo, a kuzyalulula i—i kutondezya obo ii—ii—i bupange mbo bwakabede kumbele lyabo. Elyo, sunu, tula lijana alubo ka twiimvwi aa busena obo mbubonya.

Lino, Jesu wakali “i Ijwi,” Musalali Johane, cipati 1. Toonse tula syoma Eco. Wa kali Ijwi. Elyo nkaambo kakuti Wa kali Ijwi. . . Akaka amumvwisye. Wa kali Ijwi, alimwi Wa keelede kulwana ciyanza.

Elyo tiiba—teeba ka Mu kaka nkaambo ka maleele Akwe. Teeba kacita. Ba kati. . . Wa kati, “Nguni ukonzya ku Ndi tamikizya?”

“Eyo ino Wa kacita bubu nzi?” kaamba mulindu muniini. “Ino Wa kacita bubu nzi cita kuponya baciswa?”

<sup>84</sup> Kati, “Ta tu Mupi mulandu ku zintu ezi.” Mwabona? “Twa Mu pa mulandu nkaambo ka Nguwe, mukuba muntu, kalibamba Leza Mwini.” Elyo Magwalo abo eni akaamba kuti Uyo oba Leza.

Muli Isaya, musinsimi mupati oyo wakalemba Mabbuku ali makumi ali cisambomwe acisambomwe aa Isaya, a kutalika kweenda a i. . . Ku matalikilo, mbuli kumatalikilo; alimwi akati ka Bbuku kwasika Johane Mubapatizi; a kugolela mu bulelo bwa Mileniamu. Elyo Mabbuku ali makumi ali cisambomwe acisambomwe mu Bbaibbele, mbuli mbo kuli macapita ali makumi ali cisambomwe acisambomwe muli Isaya. Cila gambya kuti ciwa boobo. Oyu Isaya 9:6, wa kati, “Kuli ndiswe Mwana wazyalwa, kuli ndiswe Mulombe wa pegwa; alimwi Zina Lyakwe liyo tegwa, ‘Sinkuta, Mwami wa Luumuno, Leza Singuzu, I Taata uteeli, Mubotu.’”

<sup>85</sup> Elyo tunsiyansiya toofu, na ziyanza, tii zyaka konzya kubona kuti Oyo wakali Leza; kwiinda ku musinsimi wabo beni, kuti oyo Ijwi nkolya kaboola, lya kali Uyo oba Leza. I ziyanza zya boofu! Aboobo bakakaka Ijwi, a kuyanda mujayi mubusena, Barabasi.

<sup>86</sup> Alimwi, asunu, Ijwi, mukuba antangalala buzuba obuno, lya simpikizigwa. Lya bambwa kuba kasimpe. Lya tondezegwa kuba Bwini. “Elyo ku mazuba aakumamanino,” mbuli Jesu mbwa kaamba, “mbuli mbo kwakabede mu mazuba akwa Sodoma,” abumwi bumbi, aboobo mbo ciyooba ku kuboola kwa Mwana wa muntu.” I Leza nguonya, Mwini, Oyo wakali Ijwi, kaamba kumbele lya ciindi camamanino a ceeco cakali kuyo citika; nkabela Mimuni iyo pasuka ku ciindi caku mangolezya; a nzila eyo, Malaki 4, Uyo tuma zintu ezi a ku zitondezya.

<sup>87</sup> Elyo caka letwa ku busena bwa muzeezo, nkabela mabungano aka Ci kaka. Elyo ino mabungano ayanda nzi? I mujayi wa Ijwi, umwi oyo ubweza ciyanza. Ikuti na ciyanza ciliimpene ku Ijwi, nkokuti mujayi ku Ijwi. Elyo bakayanda kansiyansiya ka kabungwe, mubusena bwa Ijwi lya bwini kali tondezegwa a kutondezya kuti Ngu Leza akati ka bantu; kwiinda ku sayansi, kwiinda mu zifoto, Mumuni, Angelo nguonya wa Mwami, Musumpululu wa Mulilo.

I Oyo nguwenya waka pona aa nyika mu—mu mubili wa Jesu Kristo, waboola aa bantu Bakwe mu mazuba aakumamanino, awo sayansi mpoya bweza cifoto ca Nguwo. I mbungano ya

bona milimo Yayo. Cila lizibya cakumaninina, ku mateepu a zintuzyonse, koonse a koonse ku inyika, aku kutaukila cigaminina.

Elyo nekubaboobo, muli zyoonse ezyo, ziyanza zyabo ziyandisya Nkamu ya Mabungano kupa mulandu ku Bwini. Kuyanda mujayi uunga wajala, na kwiimika, na kujalila. Elyo, ciyo cicita, bayo imika Cintu cili boobo. Alimwi Nkamu ya Mabungano yeelede kucicita. Nceeco caando ca munyama; sikulwanakristo, kulwana Ijwi, uuli ngu Kristo. Pele kutali kulumbaizya kwabo- . . .

<sup>88</sup> Ba yeeya kuti nkansiyansiya. Ba yeeya kuti tunsiyansiya twabo ntwala Leza. Mwabona? Pele ta cika imi a Ijwi, alimwi akwalo Leza taka cisimpikizya kuba ciluleme. Jesu wakaima a Ijwi, pele kutali a nkamu yabo; pele a Ijwi. Elyo Ijwi lya katondezya kuti Wa kali Leza.

Elyo Cila tondezya sunu kuti Ngu Leza, nkaambo Ci pona Buumi mbubonya, Cila cita cintu nciconya akati kesu eco Nco cakacita kaindi okuya, a kwaamba kumbele.

<sup>89</sup> Aboobo ncinzi ncoba cita? Bala tambula cintucimwi eco. . . Ba kazumina, kale, nciconya ciyanza eco ciyobambula Ceeco. Alimwi kubambulwa kabunga katubungwe kaangulukide kali afwaafwi. Mbo mbubo.

<sup>90</sup> Lino, eco taciimpene ku Magwalo. Cili a Magwalo. “Elyo baka panga cinkozya ku munyama.” Kukamantanya tubungwe twanyika mu Protestanti yomwe, kabamba caando ca munyama, cinkozya ca cinyama, kweendelana ku Ciyubunuzyo 13:8. “Elyo baka panga cinkozya ku cinyama.”

I *munyama* ngu “Rome.” Toonse tu lizi obo. Pele lyoonse yakali Rome, yoonse. . . Ino inga caba—ino inga caba buti Russia, kakuli Bbaibbele lilati ngu Rome? Mwabona, bantu bajana buyo muzeezo uataluzi. Mwabona? Mbobuti mbo cikonzya kuba cintu cimbi, kakuli ca kaambwa kumbele kuti ceelede kuzwa mu Rome?

<sup>91</sup> Amujoke kuli Danieli alubo, butale a bulongo mu matende; butale tabuyabaali, kuzwa mu mazwi kuselemukila kumamanino. Elyo kufumbwa muntu ulizi kuti Russia tiiya kalina kuzibwa akwalo kaindi. Ya kali Rome. I simwaaba uusubila wakali Rome. Ngu Rome lyoonse. Alimwi obo butale tabuna cinca kuba cintucimwi cimbi, kuzwa kuli Rome ku cintucimwi cimbi; bwakacaala kabucili Rome. Alimwi cinyama ngu Rome!

<sup>92</sup> Elyo Rome yaka jisi ciyanza cabukombi ca mutwe walufu. . . na ciyaso calufu caka mujaya mu mutwe wakwe, pele wa kabukulusigwa alubo, kuzwa ku Rome ya buhedeni kuyaku Rome ya pope. Elyo lino beelede kupanga cinkozya kuli ncico, kuzwa ku cinyama eco cizwa mu Ciyubunuzyo 13.

Sena mwakasola kubona? Eci cinsi ca namba theetiini, a kulibonya. . . Nse ambi ceeci. . . Calo—calo nceenzu, nekuba, kuti inga cacitika munzila ya mathmatikisi, ma-. . . mbubonya mu ncililano ya Lugwalo. Ci janwa mu cipati ca 13 ica Ciyubunuzyo, cisi eci.

<sup>93</sup> Boonse banyama bamwi bakayutuka kuzwa mu maanzi, ayo manji a makamu aa bantu, Bbaibbele lya kati; pele oyu munyama muniini wakazwa mu nyika, oko kwaatali bantu. Nekubaboobo, wa kali kabelele, lwaanguluko lwa bukombi; mpawo wa kaamba mbuli simwaaba, a kulikamantanya mwini ku nguzu a kucita zyoonse ezyo simwaaba nzya kacita kumbele lyakwe. Mbombubo. Aboobo nceeco we. Ci—ci leelede buyo kuba nzila eyo. Taakwe nzila iimbi ya kuczunguluka.

<sup>94</sup> Elyo mpaawa mpo tubede, sunu, kupanga ciyanza. I ciyanza! Ta tukonzyi kulindila mane bamwi. . . Twa kasola kubamba bantubonse kuba ii—ii ba Lutherani; nkabela tii baka konzya kucicita. Kusola kubabamba boonse kuba ba Baptisti; tii twa kakonzya kucicita. Boonse baba ba Methodisti, na boonse ba Pentekoste; tii baka konzya kucicita. Aboobo, kutegwa kucitwe ceeci, ciindi ncifwaafwi loko, ba kapanga kkanso, mutwe, cinkozya ku cinyama. Nce ncico ncobeni ncoba kacita. Elyo ino ncinzi? I kubambulwa kwa Ijwi, alubo, kuli afwaafwi. Lila a kusolekwa nkabela calino liyo boola a cibuye.

<sup>95</sup> Amubone, Ijwi lyaka tondezegwa, kuzwa ku kabungwe. Lila tondezya. I—i Ijwi lilandeene ku kabungwe.

Ino ncinzi eci, ino cinzi ciyanza eci? Walo mutabi kuli Rome. Sena Bbaibbele lya kacaamba kuyooba obo? Iiyi, munene! Ciyubunuzyo 17, ba kabona Rome kalibusya mwini mu ciyanza cabupaizi, ca mwanakazi. Ii mwanakazi, mbungano lyoonse ila imininwa ku mwanakazi.

Nkaambo, Nabwiinga wa Kristo walo mwanakazi. Eva wakali umwi wakawa; ngo Nguwe weelede kunununwa. Elyo Mbungano (ino ninzi?) walo mwanakazi waka nununwa.

<sup>96</sup> Elyo mwanakazi oyu wakakkala atala lya muyama ujisi mitwe ili ciloba. Elyo tu lizi kujatikizya zilundu zili ciloba, azimwi zimbi, mbuli Bbaibbele mbo lyakaamba kuti ciyooba. Taakwe bulubizi. Taakwe coolwe ca bulubizi. Mwabona?

Elyo amubone mpawo, tu jana kuti, waa kali “BANYINA WA BASIBWAAMU.” Mwabona? Elyo banyina a bana basimbi bala kamantana antoomwe alubo mu bulongwe. Oko, lomwe, mwana musimbi wakaloboka banyina, kusola kupona kabotu, nkambo banyina bakali uubaukide loko a sibukali muyumu mane musimbi wa kuusiya muunzi. Uh-huh. Pele lino, mbo kunga watalika kusika ku kukomena aniini, walo, a kucita zintu zinji loko zibyaabi, lwakwe; ula babona banyina, walo uyeeya kuti banyina bakali luleme, aboobo uli mukupanga ciyanza cakwe mwini. Mwabona? Nconzyo.



<sup>97</sup> Kukamantana kwakabungwe, buna Protestanti, zilazulizya mbubonya obo Lugwalo mbolwa kaamba zya Ciyubunuzyo 17. “Boonse, abo bala a mazina atalembedwe mu Bbuku lya Buumi ilya Mwanaambebele, bakali kuzulilwa kuli nguwe.” Umwi na umbi, nanka munyama na cinkozya ca cinyama. I Bbaibbele lya kaamba boobo.

Elyo Jesu wakaamba eci, kutali mbuli kkomunizimu. Pele muli Matayo cipati 24, kutalikila kampango ka 21 kusika ku 26, Wa kaamba kumbele kuti muuya mu ciyanza eci uyooba maningi mbuli cintu cini mane kuyo cenga mbabonya Basale ikuti nicali kukonzeka; i Basale, abo bala a Mazina aaka bikkwa mu Bbuku lya Buumi ilya Mwanaambebele kuzwa ku malengelo aa inyika. Elyo, mukasimpe, caa baanga kapati, kusikila Wa kati Na takacesya mulimo, nkambo ka mbabo, takukabi muntu uya kufutulwa aa nyika. Alimwi tu jisi biyo . . .

<sup>98</sup> Eci ngu—oyu ngu '64, embo na? Elyo Ndi yeeya kuti bataminina kutandila myaka ili kkumi aciloba kuzwa kuli ceeco, aboobo, kweendelana ku kkalenda. Elyo tu jisi '64, 1964, iyo panga (ino ncinzi eco?) myaka ili makumi otatwe acisambomwe isyeede, ku sentuari lya twenti wani.

Elyo myaka ili zyuulu zyobilo, inyika iboola ku mamanino a ciyanza cayo ca nyika, ciyanza cabukombi, ku mamanino a ziyanza zyoonse, alimwi Leza wakacita kunjila. Wa kacita mu mazuba akwa Nowa; myaka mitaanzi ili zyuulu zyobilo. I myaka ili zyuulu zyobilo zyabili; ciyanza caka jokela oko cibalo cesu nko ciita, cifumo cino, alimwi Wa katuma alubo Ijwi Lyakwe. Wa katuma Ijwi Lyakwe kwiinda ku musinsimi, ciindi ca Nowa, musinsimi Nowa; nkabela bantu baka Li kaka, ku ciyanza cabo. Wa katuma Ijwi Lyakwe alubo mu ciindi ca Jesu, Ijwi lyaka yubululwa mu buzule; bantu baka Li kaka. Elyo lino ngu 1964, kusiya myaka ili makumi otatwe acisambomwe kusikila ayalo myaka imbi ili zyuulu zyobilo; alimwi Ijwi lya letwa, a ciyanza caka Li kaka.

<sup>99</sup> Ino tuli muni buti? Ndiza kumukisya kwinda mbo tuyeeya, mwabona, kuti kufumbwa ciindi inga cacitika. Ndiza caka citika kale, nkambo koonse nko tuzi, mbuli mbo Nda kakanana Munsondo yainda mukuba kokuno. I zina lya mamanino kwayanda lyakali mu Bbuku eelyo; cindi noli bede, taacikwe kunjila. I inyika iyo zumanana kweenda mbubonya mbo cakabede, pele Mbungano ili namatikidwe. Amubone lino mbuli mbo tuzumanana awa. Mazina abo, lino, ta keeni abo bala mazina alembedwe.

<sup>100</sup> Ino ncinzi? Ci leelede kuba ciyanza. Mwabona? Elyo amuyeeye buyo, kuzulilwa ku kabungwe ako mu ciyanza eco, ino ucita nzi mpawo? Nkokuli nko kacita? Mwa kaandwa, mwabona, kuzwa ku Ijwi, kuya ku ciyanza ca bujaji eco cigusya, “Kuba a

ciwa cabukombi, pele kukaka Nguzu zya mbubo.” Calo ncaando ca munyama. Mbubonya. Mwabona?

<sup>101</sup> Walo munyama okuya, eco nca kacita; alimwi nceeci cinkozya, cintu nciconya. Elyo cinyama cakali cilemu kapati, eco cakapanga mbungano eyo mpati ya boonse munyika ku Nicaea, mwabona, kuti baka citya yonse i—yonse inyika kusika kuli ceeco, ku ciyanza eco comwe. Elyo ba kayeeya kuti cakali cilemu maningi, “Taakwe muntu wakali kukonzya ku lwana ambabo,” kaamba Bbaibbele, kusikila baka panga cinkozya ku cinyama, a kuleta ba Protestanti boonse mu Kkanso ya Mabungano; eco cakapanga ciyanza, kuti tokali kuyeeyelwa akwalo mbuli Munakristo na kufumbwa cintu cimbi citakuti wakali kuzulilwa ku ciyanza eco.

<sup>102</sup> Ndoolo lwandaano akati ka caando ca munyama a Kunamatika kwa Leza. Leza ulanamatika ku Ijwi Lyakwe. Mula syoma kuti Ijwi nkolili?

Lino yebo wati, “Sa mbo mbubo, Mukwesu Branham?” Iyi, munene.

<sup>103</sup> Lino, Ndi lizi nywebo Nobasabata, na ba Seventh-day Adventisti, bakati, “I kubamba buzuba bwa Sabata.” Pele eco tacili ncico. Kutali kuba mubyaaabi kuli ndinywe, pele eco tacili calugwalo ncobeni.

Baefeso 4:30, yaamba kuti, “Muta penzyi Muuya Uusalala wa Leza, kuli nguwo mwa kaandwa kusika ku buzuba bwa lununuko lwanu.” Mwabona?

<sup>104</sup> Lino, Muuya Uusalala ndi Ijwi. Leza tali botatwe. Ngu Leza nguwenya mu mabanze otatwe, maofesi otatwe. Leza, Taata, ku mlaao; Leza, Mwana, mu luzyalo; a Leza, Muuya Uusalala, mbuli mbo Muu ita, Leza nguonya mu bubanze bwa Muuya Uusalala. Leza, Taata, wakali Ijwi; Leza, Mwana, wakali Ijwi; a Leza, Muuya Uusalala, ndi Ijwi. Mwabona, maofesi otatwe. Alimwi kubo-. . . Alimwi Muuya Uusalala kukunamatika, nkikaako wa kanamatikwa ku Ijwi.

Lino yebo wati, “Ee, Ndili namatikidwe a . . .”

<sup>105</sup> Ee, mpawo, cila lizibya cini. Mwabona? Cila tondezya. To konzyi kuzulilwa ku ciyanza, akunamatikwa a ciyanza a Ijwi, mwabona, nkaambo ciliimpene, cimwi kuli cimbi. To konzyi kucicita. Yaa.

Lino tu jana, kuti, bupange bupati bwa muncina, bupange bwa muncina mupati, mbwa ku . . .

I muncini, weelede. . . ii mootokala, uli jisi mapistoni, mavaluvu, a kkabbyuleta, azimwi zimbi. Obo i—obo mbupange.

<sup>106</sup> Ndi yanda kwaamba cintucimwi ku Mbungano mpoonya awa, kuleta kwiibaluka kwangu. Mwabona, eco nce. . . Nda syoma tuli muni loko ku mamanino, Ndi—Ndiyo amba cintucimwi lino. Mwabona? Mwabona? I—i bupange, kuli bantu

banji loko basola kupandulula bupange cindi wa buziba. Mwabona? I cintu buyo nco . . . Elyo, nywebo mulizi, mweelede ku ciziba. I bupange bulazibwa. Lino ino kuti Musa . . .

Ino kuti muntuumwi na kaamba, “Nowa, Ndi yanda kuti u pandulule i—i bupange obo bwaato mbo bwakaibuka. Obo eco?” Ta kakonzya kucicita.

To elede kuziba bupange; Insana buyo zya Ndilyo. Mwabona, Nguzu zibeleva nze nzizyo nzo yanda kuziba.

“Buti?” Ee, ikuti na muntuumwi waboola ku Israyeli, a kuti, “Yawe, Musa, Ndi yanda kumvwisya. Mbobuti mbo konzya kulenga banyama a ijwi lyako lini?”

<sup>107</sup> Wa kati, kati, “Tali ijwi lyangu. Ndi Ijwi lya Leza. Wa kandaambila kucicita.” Mwabona?

<sup>108</sup> “Ndi—Ndi—Ndi . . . Kwaamba, pandulula kuli ndime obo mbo kapanga nziniini kuboovaa aa nyika, cindi nikwaatali imwi, nzinini zinjii aa nyika.” Mwabona? Musa taka konzya ku cipandulula, mwini. To elede kucita. “Mbobuti mbo konzya kubamba guwo lya kujwe kuboovaa a kudonkola kapulo mu Lwizi Lusalala, elyo toonse twa katobela aa nyika njumu. Pandulula bupange bwa ceeco. Ino—ino—ino cakali i—i—i ciyanza nzi eco nco kabelesya, Musa? Inzi? Amu ndaambile kubbutukizya kwa sayaansi oko atomu njo mwaangulula.” Mwabona? Mwabona?

<sup>109</sup> Ta ka ciziba. Walo, ee, ta kazi bupange; wa kalizi buyo nguzu zibeleva. Eyo—eyo nje nzila.

Nse konzyi ku kwaambila nzila Mbwe pona. Nse konzyi kukwaambila mbo pona, pele ula pona. Nse konzyi kuziba obo moyo wako, a cakulya cako mbo cinjila a kupanga bulowa. Elyo kubweza i—i nguzu zya cakulya eco, a—a kunjila mu bulambo obo bwatatu bwa tukondo twa mala a kucisandula kujokela ku buumi bwa bulowa, aku cituma kujoka kwiinda muli nduwe. Nse—Nse konzyi kupandulula ceeco, pele cila cicita. Mwabona, cila cicita. Nse—Nse konzyi ku cipandulula. Ta ndizi bupange. Ni nguzu zibeleva.

<sup>110</sup> Lino, Musa naaka ziba bupange, pele tii bwakali busena bwa muntu uumbi ku bumvwisya cita Musa. Ba kali cizyi kuti cakabeleva, nkabela eco cilakkutya. Nkaambonzi bantu taba konzyi kukkutula nzila eyo sunu? Mwabona? Bantubonse tiiba kakonzya kuba Musa. Kwakali buyo Musa omwe. Ba kaziba buyo kuti cakali ca Leza. Ba kabona kuti cakali ca Leza.

Elyo baka tobela a kucita kabotu kusikila bakatalika kucibuzya, kali kuyanda kubusya muntuumwi umbi kucita cintu nciconya, Kora, Datani. Elyo cindi niba kajana muntuumwi wakuleta kulikozyanisya bakunyama mukati, kumalekelo Leza wakati, “Lyandaanye lwako. Uta njili mu ciyanza eco cakabunga. Mwabona, kozwa muli ncico! Ndi yanda kuti

cimenwe conse.” Elyo Wa kajula nyika akucita kuti imenwe. Mwabona?

<sup>111</sup> Yebo tozyi, to yandiki kuziba bupange. Koziba buyo nguzu zibeleva, cintu eco cuciduntaanya, eco cibamba kuba bwini, a kubona ikuti na cuuma mbaakani kuti Bbaibbele lyaka cisyomezya kuyo uma mu buzuba obuno. Mwabona, ndi Ijwi alubo, kujokela ku Ijwi.

<sup>112</sup> Lino, muncini mupati uli mukuyakwa lino, a kulibambila kweenda. I bupange nkobuli kale. Bali cijisi kale ciyanza cabupange ica kabunga kaya kuleta, atala anyika, “luumuno,” ba laamba. Ba jisi ii. . . mbuli U.N.

I masi alakamantana antoomwe. Nciindi cakukamantana. Nda kazwa kukambauka ali ncico, calino. I. . .Bali muku kamantana antoomwe, ku leta nzi? I luumuno lwa nyika. Ba kacita ceeco mu Nsangano ya Masi. Ba kacita lyaonse, alimwi taakwe nocibeleka. Ta ikonzyi kubeleva. I U.N. tacili cintu cita cibbaluuni cipati cakapila citontaikwa a cisi conse ca muuwo wa njiisyo. Iyo bbaluka akubbotokela acintu cili conse. Ta ikonzyi kubeleva.

Naanka Kkanso ya Mabungano taikonzyi kubeleva. Nkabunga kwiinda ku muntu, kaimpene ku ciyanza. . .na a ciyanza cabo ciimpene ku Ijwi lya Leza, nkabela ta cikonyi kubeleva. “Mbobuti bobilo mbo bakonyi kweenda antoomwe citakuti bazuminana?” To konzyi kucicita. Elyo mbobuti mabungano ya Bunakristo mbo ikonzya, ku yooba. . .

<sup>113</sup> I—i ba Pentekoste, Assemblisi ya Leza, alimwi i—i mabungano ambi mapati azya i—zya bwami bwa Pentekoste, a bantu ba Makanimabotu Aazwide, mbobuti mbo bakonyi kusweekelwa kuyiisya kwabo kwa buvangeli, ngaonya milazyo ngo bakaiminina? Elyo awo mpo bakakomezegwa, kuzwa ku tubunga oto a kututapatila; alimwi beelede kusweekelwa njisyo zyabo zya buvangeli, ku kweenda a bantu abo bakakilana aa milazyo ya Bbaibbele, a kuponesegwa kwa Buleza, a Nguzu zya Leza, a Jesu Kristo. “Mbobuti bobilo mbo bakonyi kweenda antoomwe citakuti bazuminana?”

<sup>114</sup> Mpaawo we, nde oora mpo twasika, alimwi oyo muncini mupati ubambidwe. Lino bali jisi bupange. I cintu buyo nco beelede kuba aco ngu Saatani mukati omuya, nguzu zibeleva, ku kusungilizya kugwalwa caando ca munyama. Cindi asinikizigwa, mpawo nguzu zibeleva zila beleka. I bupange nkobuli. Bali babujisi kale.

<sup>115</sup> Anda ambe cintucimwi, acalo; ciindi eci cakukamantana, kubona mabungano kakamantana, masi kali mukukamantana. Nciindi cakukamantana kwa Leza a Nabwiinga Wakwe, akwalo. Elyo Nda amba eci a lulemeko a bulemu. Ndi syoma kuti Nabwiinga wa Kristo ulaitwa. Nda syoma Uli namatikidwe mu Bwami bwa Leza. Ndila syoma kuti bupange nkobuli. Ba

lindila Nguzu zibeleva ezyo ziyu Mu gwisya mu nyika, kuya mu Bulemu, mu Kukwempwa. Nda cisyoma a moyo wangu oonse. Iiyi, munene. Ta tuzi nzila Mbwa yocicita, pele Uyo cicita.

Walo ni Nguzu zibeleva. Tuba buyo zizo zya muncini, wa Mubili Wakwe, kuulibumba wini kuba cinkozya Cakwe, a ku Mu bona kali kamantanya Mwini kuli ndiswe, mu milimo Yakwe, a zipego Zyakwe zya luyandisyo, mbuli Mbwa zipa kuli ndiswe kakutanaba buyo Cilalilo ca Mucado. Elyo tula lindila, kulangila ceeco.

Mbungano yabo mpati yeelede ku kamantana.

<sup>116</sup> I Nguzu zibeleva zya Mbungano eyi kuyooba kuzuzigwa alimwi ku Muuya Uusalala nko twakabeleva mu kweeleka kuniini kuciindi Bbwe lyakumutwe noli seluka kuzo kamantana a Mubili. Pele cindi oyo Mutwe a Mubili zya kamantana antoomwe, nguzu zizwide zya Muuya Uusalala ziyu Mu busya mbubonya buyo mbuli boobo; abalo bafu, abo bafwide muli Kristo, kwa myaanda ya myaka yakainda, bayo buka mu bweebesi bwa busalali Bwakwe, a kubweza kuuluka kuya ku milengalenga. I Inguzu zibeleva Muuya Uusalala.

<sup>117</sup> Elyo lino nguzu zibeleva zya bweendelezi obu bupati obo mbo bakayaka, oyu muncini uyo beleva buzubabumwi mu kkanso ikamentene ya Kkanso Yanyika iya Mabungano, eyo iyo bamba kusungilizya, ayalo. Amuye- . . . pele amuyeeye . . .

Yebo wati, “Cindi eco cacitika . . .” Ciindi cino manide mpawo kuli nduwe. Uli kale muli ncico. Naa uyanda kuba, na pe, uli kale okuya. Mwabona? Amubone, mujisi kale muuya oyo aali ndinywe.

<sup>118</sup> Mu buzuba cindi i—cindi i—i myuuwo ya Muuya yanounga kuzwa kujwe, kunyika, kumbo, a kumusanza, kusungilizya bantu kuzwa kuli ncico, a kutondezya bantu!

Ako nkekaambo Nce ka cilwana maningi ciyanza eco. Nda kabona kuti kwakali cintucimwi okuya, mudima. Mbuli mbo Nda kabona banakazi munzila njo bakali kunana zintu ezyo ku masyu abo, Nda kamwaambila Munsondo mwakainda, Nda kalizi kuti kwakali cintucimwi cakali kuboola.

<sup>119</sup> Nkaambonzi nce Nda kali kulwana zintu zili boobo lyoonse? Nse kacizyi; Ndi cilizi lino. Nkaambonzi nce Nda kali kulwana bukombi lyoonse bwakabunga? Nkaambo ka (Nda cibona lino) ncaando ca munyama. Mwabona? Nse kaamba boobo kusikila mvwiki zisyoonto buyo zyainda. Mwabona?

Lino, kumane tunzenyu twa mbungano, mpawo ncinzi cicitika? Ijwi nilyakamana kusimpikizigwa ncobeni? Lino, amulange, kumalekelo cakasika ku busena kweelede kubu kusitikizya. Bweende bwabo buccilila lino bwakali . . .

<sup>120</sup> Ino yakali ntaamo nzi itobela yaba Juda mbunganno niya kamana ku Li kaka? Mbungano yakali kaka Ijwi. Tii bakali

kuyanda cintu cakucita a Ncico. “Wa kali muuya mubi.” Lya kalizi miyeeyo yakali mu moyo wabo. “Bwa kali bubi.” Nekubaboobo, Lya kali Ijwi. I milimo Nja kacita, yaka Mu lungulula, kasimpikizya kuti Wa Kalini. Teeba kali kuyanda cintu cakucita a Ncico.

Mpawo, cintu citobela, caboola ku mfulumende. Elyo eyi ni mfulumende ya mbungano, nkaambo masi oonse ali sangene. Kwakali cisi ca buhedeni cakali kweendelezya cisi cabukombi. Lino, bwalo, cintu coonse mbukombi, aboobo bweelede kuboola ku bukombi bwa inyika.

Oh, ma, muntu moofu wakali kukonzya kubona ceeco! Elyo ino muntu moofu waamba nzi cindi abona ceeci? Cindi a cibona, uyo zwa mu boofu bwakwe.

<sup>121</sup> Amubone okuya cindi kkanso eyi yanyika yaboola antoomwe, “Ino tuyo cita buti a oyu Jesu uutegwa Kristo?” Taba yandi cintu cakucita ncobeni a Ndilyo. Aboobo kuli cintu comwe luzutu cakucita, mpawo, mbubonya eco ncoba kacita kaindi, bayo Ci bambula, masimpe, ku Ci jala. “Ta cikonzyi kuba limbi. Ta cika zumizigwi kucicita.” I nguzu zya bukombi bwa masi tazika balekeli limbi kucicita. Mulimo uli boobo oyo uzumanana awa, a zintu mbuli ezyo, uyo jalwa ncobeni. To konzyi kucita kakutakwe kuzumizya kwamulao kuzwa ku masena aendelezya, mutwe wa mbungano, mwabona, cinkozya ca munyama. Oh! Tuli waano, kwa mana. Twa—twa—twa sika.

A kusimpikizigwa nconzyo; ntaamo itobela nku Mu bambula.

<sup>122</sup> Mbubonya mbuli eno, kucitya boonse abo bata kasangani ambabo, bayo jalilwa a kuta zumizigwa kukambauka, nywebo mwabona. Oko kulabambula, cabupya, Ijwi lyakasimpikizigwa ilya cisyomezyo. Ku cilesya, “To zumizigwi kuba aco limbi. Takucikwe limbi miswaangano ya kuponesegwa. Takucikwe mipailo ya baciswa. Peepe, munene! To konzyi kucicita. Peepe, taakwe ca ceeci cimbi. Peepe, munene! Uyo boola kwiinda mu Kkanso ya Mabungano na toi jisi nokuceya.”

<sup>123</sup> Lino inga mwabona kaambo nce Ndi lwana bukombi bwa kabungwe, nkaambo ncaando ca munyama. Rome ngo mutwe wa njiyo, imwi ntaanzi. Mbo mbubo ncobeni. Alimwi cicitya boonse kwiizumina ku kusangana bana basimbi, eco ncikonzya. I banyina wa ncico wakabamba cintu nciconya. Nkokuli Rome nkoya kasanguna kuba kabunga? Bwakali bukombi butaanzi bwakabunga mu inyika? I Katolika yaba Roma. Uli onse ujisi ijwi lya kwaamba kuti taili boobo, andi cimvwe ncobeni. Ta ciko. I kabunga kataanzi, mbungano ntaanzi yakasola kubunganisigwa, yakali ku Nicaea, Rome. Iyi, munene. Elyo nce ncico ncobeni ncoba kacita.

<sup>124</sup> Elyo ncinzi Luther nca kacita kwiinde lufu lwakwe? Ba kacita cintu nciconya ncoba kacita ku Nicaea, Rome. Ino

bakacita anzi kuzwe Wesley? Ino bakacita nzi kuzwe milimo yonse mipati yaka yutuka? Ba kacita cintu nciconya, kabamba bana basimbi kuba basibwaamu, mbubonya buyo cakulondoka. Mbuli, kuli mbubonya, tu jana kuti awa . . .

<sup>125</sup> Nda jisi Lugwalo luniini lulembedwe aa pepa awa. Ndiza ncibotu Ndi sotoka olo. Pele, alimwi amulangilile, ba kajisi . . .

I kabunbanya mbungano kujisi ciyanza nciconya antoomwe asunu. Cintu cilikke ncoba yandikana ni nguzu zibeleva kuli ncico, cintucimwi buyo kucibamba kubeleva. Elyo ciboola ku kazekelo, ndyoonya buyo.

<sup>126</sup> I mbungano ya Katolika a mabungano aa Protestanti ayooba balongwe. Nda kamwaambila kuti lyaonse—kuzwida eelyo, kwa myaka yakainda ili makumi otatwe. Bayo kamantana antoomwe. Elyo mwabona ncobeni eco ncoba cita lino. I—i muna Protestanti takabi muna Katolika, pele bayooba antoomwe mu bunyina, caando ca munyama, kakozyanya ku cinyama.

<sup>127</sup> Mbuli ku nzila njionya abo banyina, Eva, wakabisya inyika yonse kukuleta lufu lwakunyama. I banyina, Eva! Amuswiilile. Baama Eva bakabisya mukowa wabantu oonse, ku lufu lwa kunyama, (buti?) kwiinda mukukaka Ijwi a kutambula cintu cimwi kujatikizya Ndilyo. Waa kacitya lufu loonse lwa kunyama nkaambo waa kasiya Ijwi lya bwini, a kusyoma Ijwi lyabwini lyaonse pele aniini buyo. Kwiimpana komwe kuniini a Ijwi lizwide ilya Leza kwakacitya kucisa kwamyoyo yonse, lufu a zintuzyonse zyakasola kuba aa nyika. Eva wakacita, banyina wa lufu. Lino mwabona awo mpo tu boola na? I banyina wa lufu, amubone, waa kaunduluzya buyo Ijwi.

Waa kati, “Leza waamba . . .”

Saatani wakati, “Mbo mbubo.”

“Leza waamba . . .”

“Mbo mbubo.”

“Leza waamba . . .”

“Mbo mbubo.”

“Leza waamba . . .”

<sup>128</sup> “Iyi, kuti, oko nkunkuko. Mu—mu nzila, mbo mbubo, pele, mwabona, nku—nku—nku konse kuli Ndilyo. Mwabona, muyo—muyo juka meso anu, muyo oba . . .”

Pele Leza wakati, nkabela eco cila cibamba, Ijwi! Mwabona, caka talikila a kutamvwiya kuniini kwa Ijwi, alimwi, cintu nciconya, cimana munzila njionya.

<sup>129</sup> Amubone, mwanamusimbi ncipange ca banyina a bawisi, kwiinda ku lukamantano. Lino nceeci cintucimwi cilebula. Pele lufu, lwa kunyama, lufu lwa kunyama nku kamantana kwa Eva a Saatani, antoomwe, kwiinda mukutasyoma Ijwi lya Leza. Ba

kakamantana a kuleta mu i—i cipange ca lufu. Walo, i . . . Lufu nqipange ca kukamantana Saatani a Eva, antoomwe.

<sup>130</sup> Eva waka jisi Ijwi. Saatani ulwana Ijwi. Elyo, amulange, kutandila nainte naini a nainte nani handerdithi ya Ndilyo, Saatani wakazumina kuti lyakali luleme. “Kutandila muni loko,” Bbaibbele lya kati, “mu mazuba aakumamanino, kuyo cenga mbabonya Basale ikuti na kwakali kukonzeka.” Mwabono obo mbo ciboola mukati, obo mbo cakabede lyoonse, obo mbo ciya kuzwa? I nzila njionya, kakamantene a kutasyoma mu Ijwi lya Leza lyoonse lizwide. Mwa cimvwa na? Eco nce cakaleta lufu, nku kamantanya kutasyoma a Ijwi. Kutasyoma, cibeela ciniini, cisyoonto ca ncico; mbali, niini, loko yaco, wani hadredithi ya wani peseenti. Pele Lye elede kuba wani haderdi peseenti! Kwa mana.

<sup>131</sup> Amubone, mwana musimbi wa Leza, Mbungano, Nabwiinga, walo nqipange, ca Leza a Ijwi Lyakwe, kali kamantana. I Muuya Uusalala kaukamantana mu mubili wanyama, Wa kazyala Mwana wa Leza, cipange ca bululami bwa Leza. Elyo mu buzuba bwamamanino, mbuli mbo twa kaambilwa, “mbuli mbo kwakabede ku mazuba akwa Sodoma,” i Nabwiinga uyo kamantana kwiinda ku Ijwi lya Leza lyatondezegwa mu mubili wabuntu, Muuya Uusalala kauba namatika muli Leza, aku namatula kutasyoma, alo anze.

<sup>132</sup> Mbuli mbo Nda kaamba, ikuti buumi bwa Beethoven bwakali muli nduwe, inga uyo pona mbuli Beethoven; ikuti na buumi bwa Hitler bwakali muli nduwe, inga wapona mbuli Hitler. Elyo cindi Buumi bwa Kristo buli muli nduwe, uyo pona mbuli Kristo, a milimo ya Kristo njo cita. Elyo oko kuyooba. Ikuti na Kristo ulapona asunu, Uyo cita mbubonya Ijwi nco lyakaamba kuti Uyo cita sunu. Elyo Ijwi lya kaamba kuti, “Ngu mbobuca nguwenya, sunu, amuya myaaka.” Nkaambonzi eyi inyika ya bupaizi yofweede ncoi takonzyi kubona ciindi nco bapona? Mwabona?

<sup>133</sup> Eva wakacitya lufu loonse lwa kunyama, kwiinda ku kusola kunjizya buzumini bwandeene bwa Saatani mu Ijwi. Elyo nce cintu nciconya caka citika ku mbungano, ku Nicaea, Rome, kwiinda kukubweza tuyanza twabuzumini mucibaka ca Ijwi. Eco nce cintu nciconya mu Methodisti, Baptisti, Presbyteria, mbuli Mumuni mbo usonsa mu bukkalo abumwi nkabela bala Ukaka.

Ako nkekaambo ba Lutherani ncoba kafwa cindi Wesley naka buka. Bwakali mu bukkalo bumbi. I Ijwi lya kayutuka, alimwi bakeelede ku Li zumina na kufwa. Ako nkekaambo ba Pentekoste ncobali mu kufwa lino, nkaambo bukkalo buli waano. I Ijwi lya yubululwa, ciindi ca sikwaze, ciindi ca Ijwi kubweeda, “ku kuboozya Lusyomo lwa matata, kujokela ku



bana alubo.” Elyo bali kamantene loko, bala Li kaka alimwi tabali cintu cita lufu lwa kumuuya. Ku lyoonse. . .

<sup>134</sup> Mubili wa Leza, wakakamantana mbuli Nabwiinga Wakwe, mukuba Omwe; Walo a Kristo, antoomwe, walo Muuya kuubeleka mu mubili wa Mbungano mbuli Mbowa kabeleka mu mubili wa Jesu Kristo, nkaambo Ncibeela ca Mubili Wakwe. Kutali bobilo; pele Bomwe! Bali Bomwe. Ii mulumi a mukaintu tabacili bobilo, pele bomwe. Alimwi Kristo a Mubili Wakwe bali Bomwe. Elyo Muuya nguwenya wakali muli Kristo uli muli Nabwiinga Wakwe, mu Mubili Wakwe, oyo waka Ba kamantanya antoomwe a Ijwi lyoonse. Elyo Leza kapona omuya, Mwini, kali yubulula.

<sup>135</sup> Elyo sikulwanakristo, ngwa kwaamba kuti, “Oh, Nda syoma muli Kristo, Nda syoma mu Makanimabotu, Nda syoma mu Zintu ezi, pele, nywebo mulizi. . .” Nceeco we. “Pele, nywebo mulizi, mazuba aa maleele akainda. Takukwe cili boobo, mwabona.” Nceeco we. “Oh, Nse syomi kuti weelede kubbizigwa mu Zina Iya Jesu Kristo.”

<sup>136</sup> Pele Bbaibbele lyakati wakacita. Lino Ndi yanda silwiiyo umwi wa zyakombi ku kutazuminana a ceeco. Mwabona? Mwabona? Ci leelede kuba. Yebo wati, “Ee, lubbizyo talu bambi lwandaano luli loonse.” Ee, mpawo, nkaambonzi nco lwa kalembwa? Nkaambonzi caka bamba lwandaano kuli Paulo? Nkaambonzi cakabamba lwandaano kuli bonse bamwi? Wa kabbila naa. . .

I Bbaibbele lyakati, “Uli jisi zina ndo pona, kakuli uli fwide,” nkaambo kunyina zina limbi lipedwe kungsi e Julu.

Nkaambonzi ncoyo kambauka muli Ndilyo, ku komba muli Ndilyo, zintuzyonse zimbi, pele, cindi waboola ku ciziba, ula Li kaka? Uh-huh. Mwabona?

Nda kati ku muntu buzuba bumwi, Nda kati, “Ino kuti muntu. . .”

Wa kati, “Ta cibambi lwandaano luli loonse.”

<sup>137</sup> Nda kati, “Ikuti na muntu waku sikila, elyo mpawo wakati waka bbizigwa mu zina Iya ‘Duba Iya Saloni, Mpana yaku Kkuti, a Ntanda ya Bucedo,’ sena inga waamba kuti ili kabotu?”

Wa kati, “Peepe, munene.”

Nda kati, “Sa inga wamubbizya alimwi?”

“Iyi.”

Nda amba, “Mbobuti mbo konzya kubbizya?”

Kati, “Mu zina Iya ‘Taata, Mwana, a Muuya Uusalala.’”

<sup>138</sup> Nda kati, “Ncibotu, lino wakacita mbubonya, wa kabikka. . . Ikuti na wiita abo kuti ‘mazina,’ wa kacita cintu nciconya nca kacita cindi na kati, ‘Duba Iya Saloni, Mpana yaku

Kkuti, a Ntanda ya Bucedo, nkaambo obo mbubande, alimwi ‘Taata, Mwana, a Muuya Uusalala’ mbubande. Mwabona?”

Wa kati, “Pele Jesu wakati mukabbizye mu, ‘i Zina.’”

<sup>139</sup> Nda kati, “Obo mbombubo ncobeni Mbwa kali kwaamba. Pele eco cili mukati, kutali—kutali. . . Ta kaamba kuti, ‘bakaita majwi aya.’ ‘Amu babbizye mu Zina,’ Zina! Oh, ma!” Nda kati, “‘Taata, Mwana, aa Muuya Uusalala’ alo mabande. ‘I Zina lya Taata, Mwana. . . I Zina lya Taata, Mwana, a Muuya Uusalala.’ Mwabona?” Nda kati, “Ino Petro waka Lya amba buti? Ino bamwi baka Lya amba buti? Mwabona? Ino Lili buti? Uh-huh. I ‘Mwami Jesu Kristo’ ndi Zina lya ‘Taata, Mwana, a Muuya Uusalala.’” Ujisi bana babulongo batandila ku zyuulu zili makumi otatwe mbayo elela kubbizya alubo lino. Mwabona? Yaa. Pele mbo mbubo. Paulo wakati, “Ikuti Angelo uuzwa ku Julu. . .”

<sup>140</sup> Paulo wakaambila bantu abo bata kalina bbizigwa mu Zina lya Jesu Kristo, Incito 19:5, kuti, kutegwa kutambulwe Muuya Uusalala, ba keelede kuboola. Nekubakuti bakali koongolola a kulumbaizya Leza, a kucita zintu zipati, wa kati bakacita kujoka a kubapatizigwa lwabili, alimwi, mu Zina lya Jesu Kristo. Johane Mubapatizi naka mana kuba bbizya, kacita kujokela a kubbizigwa lwabili.

Alimwi wa kati, mu Bagalatiya 1:8, “Ikuti na Angelo uuzwa ku Julu wayiisya cintu cili conse citali Nce kamuyiisya, abe mutuke.” Iiyi, munene. Aboobo tweelede ku kkala ncobeni a Ijwi eelyo, Ijwi lyoonse lya Ndilyo. Mwabona?

<sup>141</sup> Amubone. Oh, tali jisi bulubizyi; ba masimpe ncobeni. Ikuti na kuli cintu cili coonse cidonaika mu mizeezo yako, ncibotu wa cilulamika lino. Uta lindili kusikila eelyo, ciindi camana kale. Uta lindili mane ukabweze caando cakusakana maningi cakuti toka Ci boni limbi, uyooba moofu.

Wa koofwaazy a Israyeli, kutegwa Kato ndeezye Ijwi Lyakwe. Uli mukucita cintu nciconya kuli Bamasi, nkaambo awa—awa beendela muli ncico mbubonya mbuli mbo bakacita kaindi.

<sup>142</sup> Amubone, Eva waakakwa a kusweekelwa inguzu zyakwe. Nakamana kubona Ijwi kalsimpikizigwa aa Leza, eco Nca kacita, waa ka Li kaka a kusweekelwa nguzu zyakwe. I cintu nciconya ncoba kacita ku Nicaea, Rome. Elyo cintu nciconya ncobali mukucita lino ku Kkansa ya Mabungano, mbubonya buyo. Bakwesu, kuli, kuzwa ku Matalikilo kusika ku Ciyubunuzyo, cintu nciconya. Eco Israyeli ncoya kacita. Eco Pilato nca kacita. Eco ncencico cintu coonse nco cakacita, lyoonse, kuzwa kuli Eva kusikila eno, cintu nciconya. Bala likaka Ijwi lyaka simpikizigwa a kubweza kayanza kabuzumini, mubusena. Eco ciwa lufu, lufu lwa kumuuya.

Bafu! I Ijwi lici kambaukwa ku bafu. Nconzyo! Takukabi kwiinda mu Mileniamu, lino, mwabona. Bala—

bala, kakambaukilwa kale. Ndiza bala Li tambula ndyoonya eno. Mwabona?

<sup>143</sup> Bana ba Kaini, eco cakali cipange ca kutasyoma kwa Ijwi lya Leza, Bana ba Kaini bakasabula mulumbe wa musinsimi Nowa. Mula bona eco na? A Ijwi lya Leza wa kaleta i—i wa kaamba zya lubeta kumbele, alimwi lya kajisi zitondezwo zisoolokede, zitondezwo zya kasimpikizigwa kuti ciindi cakali ku mamananino, alimwi bana ba Kaini baka Li sabula.

Mbubonya mbo bacita lino. Mbubonya, kuti, ba kacita mu buzuba bwa Jesu. Mbubonya mbo bakacita muciiindi ca makkalo. Mbo cibede lyoonse. Bala sabula a ku Ci fubaazya. Wa kati, “Ku mazuba akumamanino kuyo boola basikusabula, kwaamba kuti, ‘Kwiina lwandaano mu ciindi, kuzwa kuciindi bamatata besu niba kafwa.’” Nywebo, mwabona?

<sup>144</sup> Mbubonya bana ba dyabulosi mbo bakacita, kwiinda mu ciyanza cabukombi, ku Ijwi lya kayubululwa mu ciindi ca Jesu Kristo. Amulange, ziyanza zya bukombi izya bantu ba Juda, (Mucizi Rose), bantu ba Juda abo bakeelede kuziba kabotu, pele ciyanza cabo caka bacitya kukaka a kusabula Ijwi lya Leza (baka taminina kuti bakasyoma) kuyubululwa, kutali Ijwi lyomwe kuzwa mu nzila. Ba kacita cintu nciconya.

<sup>145</sup> Mbubonya mbuli mbo bacita asunu. I ciyanza cabukombi mu muncina oyu mupati ngo bakabamba lino uyo, nconzwo, bakaka zisyomezwo ku ciindi camamanino; a Mulumbe wa ciindi camamanino, a citondezwo ca ciindi camamanino, zintuzyonse zyamamanino eco ceelede kuba, mbuli Leza mbwa ka caamba kumbele, Ijwi ku Ijwi.

Cili a teepu. Ikuti—ikuti na bandi tubwida ansi, na kufumbwa ncobanga bacita, taba kakonzyi kuulesya oyo Mulumbe! Mwabona? Uyo zumanana mbubonya buyo. Mwabona? Ca zwa kale. Waka teping’wa. Wa kamwaika. Mwabona? Ta bakonzyi...Ndi—Ndi Ijwi lya mamananino, ndyoonya lino. Per...Kusimpikizigwa akutondezegwa cakumaninina, alimwi e alimwi e alimwi, ku zitondezwo, zigambyo, ku bupange, ku—ku—ku Inguzu zibeleva, ku—ku sayaansi, ku mbungano, kwinda kuli Leza Mwini, watondezwa kuti ndi oora; kobilo ku Ijwi, a ku zitondezwo a zigambyo.

<sup>146</sup> Ii Mulumbe waka zibisigwa aa Leza akati kanu, ku zitondezwo a zigambyo zya oora. Ii Mulumbe oyo wakuti Jesu Kristo tafwide, pele ulapona mbubonya buyo mbuli Mbwa kabede lyoonse, a kutuma. Elyo ilazulizya mbubonya Malaki 4 a oonse Magwalo amwi ayo Jesu nga kaamba kuti ayooaba mu mazuba aakumamanino, kwa zulizigwa cakumaninina, ku nzila ya sayaansi, kwinda ku inyika. Alimwi mamagazini akabweza zifwanikiso zipati lya mibalo ya Mumuni, oyo wa kaambwa kumbele okuno. I Baangelo ba Leza, abo bakaseluka

ansi, abo mbe batazyi nokuceya. Alimwi koonse, masenaonse, wakatondezegwa, inyika mbiizulwa!

147 Citobela nku bambulwa, alimwi tula kulanganya. Mbuli Jesu mbwa kaamba kaindi, “Ino Nda amba nzi, ‘Kondi Futula, Taata, kuzwa ku oora eli’? Pele, peepe. Luyando lwako lucitwe, mwabona, aa nyika, mbuli mbo luli ku Julu.”

148 Eco ncencico Mbungano nco yaamba, sunu, kuzwa ku moyo wayo, “Mebo kusangana a cintucimwi . . .? Peepe, Mwami, peepe. Luyando lwako lucitwe, mbuli mbo luli ku Julu.”

149 Amubone, kumane Ijwi lyaka syomezegwa ku bukkalo lyaka simpikizigwa, baka Li kaka. Ba cita nciconya sunu. Elyo lino Ndi selemukila kujala eno. Alimwi mbuli Mbwa kasika kulizibya Mwini antagalala kuba Ijwi, elyo caka boola ku kazekelo oko nko bakeelede kusala Ijwi na kubweza ciyanza; cila kaboola ku cintu nciconya asunu, weelede kusala Ijwi na kubweza ciyanza. Elyo baka sala ciyanza. Lino ino eco cicita nzi? Mu kujala. Uli aa maanza aa nyika. Ncibotu.

150 Lino, cibalo cangu. Eyo ni nzila zilamfu zyakuyaka koonse, pele lino Ne talika buya, nywebo mwabona. Muta nyamuki, Ndali kuseka buyo. Amulange, nceeci cibalo cangu. Tu lizi obo. Oko nkubamba ntalisyo. Twa kacibikka coonse mu kalembo komwe awa lino. Atu cibambe kabotu a kubona mbo cilibonya, ku mubikka kungsi lya gilazi.

151 Jesu uli mu maanza aa bantu. Cili mu maanza aa mbungano. Ino uyo cita nzi a Jesu oyu uutegwa Ijwi lya kananikwa? I *Kristo* caamba “Ijwi lya kananikwa.” Mwabona?

“Ino muyo citanzi a oyu Jesu?” Pilato wakati. “Ino Ndila citaanzi a Ndilyo? Ino, ino ni ntaamo nzi? Ino inga Nda citaanzi a Jesu oyu uutegwa *Kristo*?”

152 Ino inyika ya koompolola buti? Ino mbungano ya koompolola buti? “Amu Li bambule! Amu Li lesye! Ta tuci Li yandi limbi.”

153 La mubuzya cintucimwi. Sa inga mwayeeyela mulandu mu maanza a Oswald, cifumo cino, umwi oyo wakajaya Muleli? Sa inga mwayeeyela lubeta lwakwe mbo luyooba ikuti na wa tondezegwa kuba umwi waka cicita? Sa inga—sena inga mwayeeyela luse luli loonse lusyeede kuli nguwe? I bulowa bwa Muleli wa United States buli mu maanza akwe. Muyeeya kuti Nkuta ya Cisi . . . Takukwe makani obo mbwa zumina mulandu, “Nse kakanzi kucicita,” eco tacika mutantamuni nokuceya. Uyo nyonyooka. Nkaambonzi? Uli jisi bulowa bwa Muleli mu maanza akwe. Sa inga mwayeeyela kulimvwa kwakwe? Sa inga mwayanda eco mu maanza anu? [Mbunga yaamba, “Peepe.”—Mul.]

154 Ee, ino kujatikizya Bulowa bwa Jesu *Kristo* mpawo? Muyeeya kuti muyo tantamunwa, ni Lya mana kusimpikizigwa cakumaninina? Mbobuti mbo muya ku Li loboka? Bulowa

Bwakwe buli mu maanza ako, kuzulwa! Sizibi, ino uya kuli? Ino uyo citanzi kwamana muswaangano cifumo cino?

<sup>155</sup> Sena uyeeya kuti, yebo wati, “Ee, Nda kakanzila . . . Nse kali kuyanda kuba mubi.” Oswald inga waamba cintu neiconya.

Ikuti na mubetesi wa Nkuta yesu Yiinda ikaitile kululama, iyo itila. Nci—nci cesu. . . Yalo ncimaninizo ca cisi. I cisi coonse ciangidwe ku Nkuta eyo Yiinda, alimwi taku konzyi kuba cintu cisyaaala. Wa kacita mulandu. We elede kuubbadelela. Tacikwe makani kunji mbwa takali kuyanda, obo makanze aakwe mbwa kabede, na cintu kujatikizya ncico; uyo ubbadelela, nekuba.

Ikuti Nkuta yesu Yiinda a kululama kwayo kusesa kuliya nkoto, nkunji buti nkoyo lijana lwako ku Mungwala wa Lubeta lwa Leza, cindi wakuboola a Bulowa bwa Jesu Kristo mu maanza ako? “Ino Ndiyo cita nzi a Jesu oyu uutegwa Ijwi lyakananikwa?” Mwa ka Li mvwa. Nywebo mulizi kuti Bwalo Mbwini. Lya simpikizigwa cakumaninina.

<sup>156</sup> Ii mujayi? Sa inga mwayanda mujayi wakabungwe iwa Ijwi, kwiinda Kristo uatakwe kampenda? Sa inga wabambula? Sa inga—sa inga wakaba camba cakusala Barabasi? Sena inga waitila Barabasi? Inga waba acamba buti umwi kucita ceeco, kwiitila Barabasi, mujayi wa Ijwi; kwiinda kubweza Ijwi, Lini, lili Mbuumi. Elyo Lili mu maanza ako.

<sup>157</sup> Cindi ni Nda kamvwa kujaigwa kwa Muleli Kennedy, oyu Mulumbe waka wida ku moyo wangu. Nda kayeeya, ino muntu oyo uyo cita nzi? Elyo taakwe nzila kuzwa kuli ncico eno. Inga kano bukide ku ciindi eci a kuyeeya eco cilede kumbele.

<sup>158</sup> Elyo muyo sinsimuka ciindicimwi. Okuno, na aa teepu, kufumbwa nko mubede, uyo sinsimuka ciindi cimwi, sizibi, a kumvwisya kuti kuli Bulowa mu janza lyako, a Bulowa bwa Mwana wa Leza, alimwi ujisi mulandu waku Mu jaya. Cibi cako caka Mu jaya. Kutasyoma kwako mu Ijwi Lyakwe, kukakilwa kwako kubona cizibyo Cakwe, kupenzya kutanda Muuya Uusalala. Elyo ino inga wacita nzi pele kwiima ku Lubeta lwa Leza, mukuziba eco ciyo citika kuli nduwe! Iiyi, bulowa bwa John Kennedy buli maanza a Oswald buyooba cintu cinini, kwiinda Bulowa bwa Jesu Kristo mu maanza aanu cindi mwaima kumbele lya Leza.

<sup>159</sup> “Ino Ndiyo cita nzi a oyu Jesu uutegwa Kristo?” Pilato wakati. Wa kabikkwa maanza akwe.

Elyo Bulowa bwa Jesu Kristo bwaka bikkwa alubo aa maanza a mbunga eyi. Bwa bikkwa ku maanza aa cisi eci, a koonse ku nyika eyi, oko mateepu aya nkwa kabede, a zintu ezyo zyaka simpikizigwa a kutondezegwa aa Leza.

Lino ino tula cita buti a oyu Jesu uutegwa, “I mbobuca nguwenya, sunu, amuya myaaka”? Ino tula cita nzi a oyu Jesu? Sena uli libambilide kutola busena bwako ku lubazu Lwakwe?

<sup>160</sup> Pilato, a cintu nciconya Pilato nca kacita, kucili zintu zyoatatwe nzo konzya kucita a Nguwe. Pilato wakasola zyonse zyoatatwe, nkabela wa kaimpya. Mancenjela otatwe ayo ngo mukonzya kusola kubeleka, pele tacika beleki. Pilato wakasola ku Mu gwisya mu maanza aakwe. Pele cindi comwe abikkwa mu maanza aako, Uli mu maanza ako. Pilato wakasola nzila zyoatatwe zyandeene, nkabela waakakilwa.

<sup>161</sup> Twe elede kulanganya tusimpe oto kuti Uli mu maanza esu. Twa ka Mu bona mu Ijwi Lyakwe. Tula Mu bona kalisimpikizya Mwini. Tu lizi kuti Ngu mbobuca nguwenya, sunu, amuya myaaka. Sa mbo mbubo?

Mpawo, Nse ambauli biyo ku mbunga eyi okuno cifumo cino, nkaambo Ndi kanana biyo ku bantu bali myaanda ili cisambomwe, na ciloba, ndiza, pele Ndi kanana ku mamilioni mu teepu eyi iya kuunka koonse ku inyika. Mwabona? Uli mu maanza anu, mu cisi ca mateepu, kufumbwa nkomubede. Mulizi kuti Bwalo Mbwini. Ikuti na tomuciti, nkokuti muli moofu; tamu konzyi kubona Ijwi, akwalo tamu konzyi kubona Leza mu Ijwi. Elyo Uli mu maanza anu. Lino ino muyo citanzi a Nguwe?

<sup>162</sup> Pilato wakasola ku Mu gusya, pele tweelede kulanganya tusimpe. Pilato wakacita ku Ci langanya. Wa kalizi. Wa kamvwa.

Ee, yebo wati, “Nse na kubona cimwi ca ncico.” Wa ka Ci mvwa, nekuba. Uli muku Ci mvwa lino. Mwabona?

Wa kali kuyanda Jesu kucita maleele, na mancenjela, kuli nguwe. Pele Ta kali kusobana zya mancenjela; Wa kali kucita biyo mbuli Leza mbwa ka Mwa ambila kucita.

<sup>163</sup> Mwa kamvwa. “Lusyomo lulaboola ku kumvwa.” Uli jisi lusyomo, a kuzwa, kugusya ceeci ku maanza ako. Pele wa kulanganya tusimpe, nekuba. Wa kacita, a boobo mbo tweelede kulanganya tusimpe. Ula lizibya cakumaninina. Amuyeeye, a Bulowa bwa Muntu mu maanza anu!

<sup>164</sup> Muntu weelede kulangilila cindi na jisi bulowa bwa muntu umbi mu maanza akwe. Amulange ndeke. Pailoti azwa mundeke, cindi amanizya kweenzya eyo ndeke, ula langalanga cibelesyo conse. Nkaambonzi? Uli jisi bulowa bwa muntuumwi mu maanza akwe. Cibelesyo coonse ciniini cikonzya kulangwalangwa, ula cilingula. Cindi azwa akunyona ndeke, ula—ula—ula ilizya kusika i—i—i mota, injini, a kubona kuti ya kasaalilwa. Elyo kuwaala kweendelezya mungwimba nzila yoonse ali njiyo, ku bona kuti kubbotoka kuyo—kuyo. . . ikuti na kuyo konzya ku—ku—ku sinikizya, a kuwaala propela, ayalo, a muwo munji wakuuluka kuzwa ansi.

Mwa kaimikila, bunji bwanu, ku ndeke, na kukkala ansi alya, a ndeke yonse yazungaana kuzwa ansi, kutandila. Uli mukwiipa zyonse nzoi jisi, kubona na kuli cimwi citako mu ncililano. Ikuti ya cita, iyo pasuka akuleka kubeleka. Pele ula ilingula alubo, ikuti na weelede kukkala alya asyoonto, mane

wa ilingula alubo. Elyo ikuti na bajatisya ciindi cakwe aniini, ula cilingula alubo.

<sup>165</sup> Obo Mbungano mbo yeelede ku cilingula alubo, alubo, alubo, alubo! Tu lindila Kuboola Kwakwe. Tuli mukusinsimuka, tuli mukulindila kuuluka. Ncibotu twa cilanga a Ijwi, kutali eco muntu umwi nca kaamba. Koba masimpe kuti uli zyi, lwako, mbuli luzibo lwa mugame a Kristo. Amu cilingule alubo, alimwi alubo, alimwi alubo.

Nkaambonzi? Uli jisi bulowa bwa muntu mu maanza akwe. Ncibotu walangalanga.

<sup>166</sup> Ino kujatikizya dokotela, kakutanaba kupandulwa? Tu jisi madokotela basyoonto bakkede awa cifumo cino. Amubone, kuti dokotela, eco ncayo cita katana unka ku kupandulwa. Walo uyanda ekisi-reyi. Walo uyanda kulingula bulowa. Walo uyanda kulingula moyo. Walo uyanda kubona na ujisi kutontola kumwi, katana kupa draagi iipa cinywe. Ula lingula cibelesyo conse; ula zijika, cakumaninina, ku bona kuti taakwe tuzunda ali nzizyo. Ula cita cintu conse. Ula lingula alimwi, e alimwi, e alimwi, e alimwi, alubo. Nkaambonzi? Uli jisi bulowa bwa muntu mu janza lyakwe. Walo uyanda kuba masimpe cakumaninina kuti zintuzyonse zili luleme buyo mbuli mbo zikonzya kululama.

<sup>167</sup> Ino kujatikizya nduwe? Ino kujatikizya nduwe, sizibi, ino ulimvwa buti kuli ncico?

Kuba a bulowa bwa muntu mu janza lyako, mulimo mbuli pailoti, nkabela ula lingula; dokotela, alimwi ula lingula; a zintu zimwi, zya sayaansi zinji loko; cindi wano jisi bulowa bwa muntu mu maanza aako, eco ncoya kucita!

Cindi mubetsi naya kukukosola kaambo, mulange mbwa bala ayo mabbuku, alimwi e alimwi e alimwi e alimwi e alimwi, ku cintu coonse ciniini eco nca konzya kubona, katanaba kukosola kaambo. Nkaambo, uli jisi bulowa bwa muntu mu maanza akwe, kweelede kuba cintucimwi awa ca kululamika ceeco. Mwabona?

<sup>168</sup> Mbobuti kujatikizya ndiswe, cindi twa Li bona kalitondezegwa cakumaninina, kuti, “Ngu mbobuca nguwenya, sunu, amuya myaaka”? Mpali ano. Uli mu maanza esu. Uli mu maanza esu. Uli mu maanza anu! Ino uya kucita nzi a Nguwe? “Ino Ndiyo citanzi a Jesu oyu uli ngu Kristo unanikidwe?”

“Ino Ci cita nzi? Mbobuti mbo ziba kuti Walo Nguwe?”

I cisyomezyo ca buzuba buno, buzuba obo mbo tupona mo, kuli Lugwalo lunji loko lwaamba kuti, kuvula kwa mainci manji loko aa Ndilyo eelede kuzulila, aya mainci aaku mamanino aa buzuba obu bwa mamanino. Kuli zintu zimwi zikkede *awa* ezyo zyelede kucitika, alimwi nceeci we. Ino ncinzi? I Kristo nguwenya uunanikidwe, Ijwi lya kananikwa! Ino uyo citanzi a Ndilyo? Sa uyo Li sambalila ku kabungwe?

169 Lino ncinzi Pilato nca kacita? Pilato wakasola ku Mu samba kuzwa ku maanza akwe, kwiinda ku kwaamba. . . I cintu citaanzi Pilato nca kacita kwakali kusola ku Mu samba kuzwa ku maanza akwe, ku kwaamba kuti, “Oh, Uli luzi. Uli kabotu.” Mwabona?

170 Yebo wati, “Oh, Pilato mucete.” Pilato, bunji bwabo baka mululamika? Peepe, peepe, peepe! Wa kali aa maanza akwe. Wa kaumvwa Mulumbe, wa kabona Ijwi, alimwi Wa kali mu maanza akwe. Alimwi mbubonya Uli mu maanza anu. Mbo mbubo.

Ino wa kacita nzi? Wa kasola kwaamba kuti, “Oh, ee, Walo Muntu uli kabotu. Nse jana butongo muli Nguwe.”

171 Ikuti na obo tabuli i—i—i bwiinguzi bwa banji loko sunu! “Oh, kwiina cintu cilubide ku Ijwi. Ndi yeeyela kuti kuli kabotu. I Bbaibbele lili kabotu, pele tula syoma mbungano. Kabungwe kesu taka zuminani a Ndilyo.” Mwabona? Mwabona? Kuli musela omwe wa bantu uusola ku Mu samba kuzwa ku janza lyakwe.

“Nse jani butongo mu Ijwi. Lyakali kabotu ku baapostolo mu buzuba bwabo, pele tu ponena mu buzuba bumbi. Ta tuponi mu buzuba bwa baapostolo, aboobo nkikaako Nse elede kucita mbuli baapostolo mbo bakacita. Ta ndeелеde kubbizigwa munzila njo bakacita; Ndi pona mu buzuba bumbi. Ta ndeелеde kuba a zintu nzo baka jisi; Ndi ponena mu buzuba bumbi. I Muuya Uusalala waka pedwe buyo nkamu eyo.”

172 Bahebrayo 13:8 ila Mu josya mu maanza anu alubo. Taakwe kuloboka! Wa simpikizigwa cakumaninina, “Ngu mbobuca nguwenya, sunu, amuya myaaka.” To jisi malobokelo. To konzyi ku Mu mutola ku bukkalo bumwi bumbi. Bahebrayo 13:8 ila tapatila miyeeyo yako, aku Mu josya moonyu mu maanza ako alubo. Aboobo Jesu uli mu maanza ako, mbuli mbwakali muli a Pilato.

Amulange. Yebo wati, “Pele Ta ndizi.” Ee, nkaambonzi nco swiilila?

173 Pilato wakali mupagani. Mukaintu wakwe wakali mupagani. Pele Leza, ku cibamba kululama, wakatuma mwanakazi oyo mukati omuya a kwaamba kuti, “Utabi acintu cakucita a Muntu oyu ululeme.” Waa kati, “Nda kapenga buzuba obuno.” Mubwini, cakali cifumo, bwakali busiku boonse, alimwi maora ali makumi obilo aone alanganisigwa kuba buzuba bomwe. “Nda penga mu ziloto zimwi sunumasiku, zya oyo Muntu uululeme. Utabi a cintu cakucita a Ncico.”

174 Lino wa kati, “Ee, mpawo, ikuti na cili boobo, Ndiyo Mu samba buyo kuzwa ku maanza ngu.” Pele ta kakonzya kucicita.

Akwalo tokonzyi. Wamvwa Bwini lomwe, weelede ku Bu tambula na ku Bu kaka. Taakwe nzila. . . Iiyi, munene, weelede kucicita. Kucenjezya kwa Mwami!



<sup>175</sup> Iba Juda baka kwiila, “Kolekela Bulowa Bwakwe bube aali ndiswe; nkambo inga twa syoma bapaizi besu, ciyanza cesu cakabungwe, katutana ku Mu syoma.”

Nceco we. Mwabona misela asunu? Pele boonse beelede kulanganya kaambo ka Leza. Nyoonse mweelede kucicita, nekuba, mupangani na kufumbwa mbo konzya kuba. Uutasyomi, wa Methodist, wa Baptisti, wa Presbyteria, ukasaala, utontola, uupya, akufumbwa mbo konzya kuba, we elede kulanganya kaambo mbubonya buyo. Naa ula yanda, na pe, Buli mu maanza ako. Obo mbombubo.

<sup>176</sup> Mpawo kuli baabo basola mancenjela ambi a Pilato kuleya kaambo, Ku Mu tambizya kuli umbi Kaisara. Mwabona?

Pilato wakati, “Lino lindila aniini. Nse—Nse—Nse—Nse yandi cintu cakucita a Ncico. Ta—Ta—Ta—Ta. . . Walo Muntu uululeme. Ta—Ta ndiyandi cintu cakucita a Nguwe. Oh, Nda—Nda syoma eco nce Nda kamvwa. Nsena ku Mu bona kacita maleele, pele kuli bakamboni banji maningi kuli Nguwe. Ndi—Ndi—Ndi syoma kuti Walo Muntu ululeme. Walo Muntu mubotu, mwabona, pele—pele Ta—Ta ndiyandi cintu cakucita a Ndilyo, lwangu. Ndi—Ndi—Ndi buyo. . . Ndiyo Mu samba buyo kuzwa ku maanza angu. Kondiletela maanzi. Nyoonse mula ndipa bulunguluzi awa.” Inzya. Pele Leza wakali kupa bulunguluzi, awalo. Wa kali mu maanza akwe.

<sup>177</sup> Elyo mbubonya Uli mu maanza anu. Mwabona, nywebo, nywebo mulizi eco Nce waambaula. Mwabona? Kutali ndinywe luzutu, pele baliku teepu eyi. Uli mu maanza ako. Ino uyo citanzi a Nguwe, oyu Jesu uutegwa Kristo? Kristo ndi Ijwi Iya Kananikwa. Mwabona? Ino uyo citanzi a Ndilyo? Walo Mulumbe wa oora. I buzuba buli waano, kutondezegwa cakumaninina kwiinda ku Bbaibbele a kwiinda kuli Leza. Ino muyo citaanzi a Ndilyo? Mbobuti mbo muya kuleya kaambo eno? Mbobuti mbo muya kuloboka kuli ncico? Uli mu maanza anu! Elyo kaambo ka Oswald ka yooba kumwi kuniini, kuli kanu, nekubakuti mukutausi na kufumbwa mbo bedede.

<sup>178</sup> Balo ba Juda bakali bapaizi, a bama rabbi, bamayi, bantu basalala; pele Wa kali mu maanza mbubonya buyo. Wa kali Ijwi, kaambo ka Leza ka buzuba obo, nkabela baka kakilwa ku Li bona. Basale buyo baka Li bona, abo baka Li syoma.

<sup>179</sup> Lino boonse beelede kulanganya kaambo. Mu bukkalo abumwi mbo cakabede obo, ziindi zyoonse. Kwiinda mu bukkalo bwa Eva a Adamu, muciiindi cakatobela ku bukkalo bwa Nowa, kuyabuya muciiindi ca Daniele a Beteshazara a Nebukadinezara, kuselemuka muciiindi ca Kristo, kuya buseleuka mu oora ndyoonya dyo tuponamo, cakali mbubonya, kaambo ka Ijwi kwasika. Kutali kayanza kabo kabuzumini, na kutali kabungwe, kutali kansiyansiya, pele, kaambo ka Ijwi kakalwana zintu ezyo. Aboobo, lino, Lili mu maanza lino.

<sup>180</sup> Mpawo abo basola mancenjela ambi a Pilato, aku Mu gwisya, ku Mwe engulwida ku muntumwi umbi. Pilato wakati, “Lino, muli zyi cintu na? Ndiyo Mu gwisya buyo ku janza lyangu. Ndiyo Mu samba kuzwa maanza angu kubelsya maanzi aya. Aboobo Njo buyo . . . Nde elede kucita cintucimwi a Nguwe. Aboobo ino Ndiyo cita nzi? Ndiyo Mu tumina ku masena aendeleya, a bishopo.” Uh-huh. Inzya.

Eco ncencico ncoba sola kucita asunu. Mwabona? Ba ka Mu tuma kuli Kaisara. Eco tiicaka Mu gusya mu maanza a Pilato, kuta Mu gusya mu janza lya umwi. Ino cakacita nzi? Ca kamupilukila kumuuma. Jokela nkoonya ku mugame.

<sup>181</sup> Yebo wati, “Ee, inga Nda cita, inga Nda cicita. Inga nda Li tambula ikuti na kabungwe kangu ka Li zumina.”

Kabungwe kako kali mu Kkanso ya Mabungano, kasampaulwa! Mbobuti mbo baya ku Li tambula? Li joka kuleta penzyi, kujokela nkoonya kuli nduwe. Tacili ceeco kabungwe kako nco kaamba; nkuti, ncinzi nco wamba? Ba ka Li kaka; lino ino muyo citanzi a Ndilyo? Eco nce cintu citobela. Mwabona? Eco ta ci Mu gusyi kuzwa ku maanza ako.

Wa simpikizigwa cakumaninina. Ula lizibya cakumaninina, Ijwi lya oora eli, cisyomezyo ca oora eeli. Kutali cisyomezyo ca oora lya Luther; eco cakali Ncico kaindi, eelyo lyakali Ijwi mu bukkalo bwa lubambululo. Mbuli, nywebo nyoonse nomumvwa Zinamatizyo zili Ciloba, cindi bukkalo bwa basilubambululo nibwa kazwa, Munyama uujisi busyu mbuli muntu (kabunga) nakayutuka; pele obu mbusyu bwa sikwaze, Munyama wakaunka kuyo panga kuzundikizya sunu.

<sup>182</sup> Elyo nguni unga waba acamba ca kwaamba kuti eelyo tee lyakali Ijwi lya Leza linanikidwe, cindi Na ka Lya amba kumbele awa, akutumina kulaale ku Arizona aku Li josya ncobeni, noiba sayaansi azintuzyonse zimbi, aku Li tondezya kuba obo! *Eli* Bbuku lyakajulwa kale, mbo mbubo, kulindila buyo Cinamatizyo Caciloba ku kulizibya Kuboola kwa Kristo.

<sup>183</sup> Ncibotu, Uli mu maanza ako. We elede kucita cintucimwi a Nguwe. Uta Mu gusyi. Iiyi, munene. Mu ciga eci, Ndi yanda kwaamba kuti, “ku Mu tontela ku muntuumwi umbi.”

“Ikuti na kabungwe kangu ka Li zumina, Mukwesu Branham, inga Nda—Nda Li tambula. Pele, nywebo mwabona, baama bakali kuzulilwa ku mbungano eyi.” Waa kaponu mu bukkalo bwakwe; toli nduwe. Ndo nduwe lino. Amulange obo mbwa kayutuka, kuba obo mbwa kabede. Ino kujatikizya nduwe? Yaa.

<sup>184</sup> Amulange. Nywebo mwati, “Baama bakali ba Pentekoste. Ba kacita *boobu-a-boobu*. Waa kazwa mu kabunga.” Pele Ndi sola ku kanana kuli ndinywe lino. Ino kujatikizya ndinywe? Mwabona?

Mu musela oyu, tu jana banji bakaiya. Lino, Ndi lizi Ndiyo nyonganya kulimvwa awa, pele Nse cicitu kukanza. Ikuti na Nda cita, nkokuti Nde—Nde elede kunselelo ku cipaililo, nkeempwa. Ndili mukwaamba ceeci mu luyando lwa buleza.

<sup>185</sup> Jesu, cindi Na kaima okuya, a balo ba Farisi; kacita kwaamba kuti, “Muli bauso wanu, dyabulosi; milimo yakwe muyo icita.” Nekubaboobo kwiitila lumuno a luse kuli mbabo, aa ciingano, abo baka Mu bambula. Mwabona, Ta ka banyemena. Wa kati, “Nywebo nonzyalani ya nzoka.” Mwabona? Mwabona? Zintuzyonse, Wa kaba singanya ku zintuzyonse Nzya kakonzya, mwabona, elyo mpawo waka bakombela aa ciingano. Mwabona? Ta Kali kuyanda kucita ceeco; tii caali ceeco, pele ba kacita kubona bulubizi mbo bakali kucita.

<sup>186</sup> Elyo Nda amba cintu nciconya sunu, mu musela oyu wa “kutabika kaambo ku muntuumwi uumbi,” na cintucimwi mbo tu wiita mu mpi, “kutabika mali ku muntuumwi umbi.” Tu sola ku cibikka awo, mbuli Adamu a Eva mbo bakacita.

Eva wakasola. Adamu wakati, “I mwanakazi Ngo kandipa,” nkabela eyo tii yakali ntamizyo kuli nguwe. Mwabona? I mwanakazi wakati, “I muzoka waka ndoongelezya. Waa . . . Wa kali nguwe oyo waka jisi makani aankwela a ndime. Wa kandoongelezya. Wa kacita *ceeci*.” Eco tii caka citantamuna, pee. Ba kazamanana ncobeni kuya ku lubeta, mbubonya buyo. Iiyi, munene. Ncibotu.

<sup>187</sup> Taba konzyi ku citabika, umwi . . . Konzyi kwaamba kuti, “Ikuti na kabungwe kangu kanga ka syoma Eci, Nda—Nda cita ambebo. Pele, Nda kali mu kabungwe aka.” Eco ta cijisi cintu comwe cakucita a ncico. I ba Juda baka jisi cintu nciconya, mbubonya mula cita.

<sup>188</sup> Elyo, amubone, banji muli ceeci, tu jana bantu babotu bakaiya loko mu musela oyu. Lino amuswiilile kabotu.

Mwabona, zyakwiiya, nzo twiita kuti zyakwiiya sunu, Saatani nzya kaleta kuli Eva, busongo buniini. Kati, “Meso anu tajukide, cakuti tamukonzyi ku Li mvwisya lyonse.” Waa kali lizi Ijwi, nkabela kwakali konse. Waa kamubona Leza kasimpikizya elyo Ijwi, nkabela eco ca keelede kuba cibotu. Wa kali kumubamba mu Buumi Butamani, kufumbwa kuti waa kakkala a Ijwi eelyo. Cindi na katyola Ijwi eelyo, waa kajisi cisyomezyo ca Leza kuti uyo fwa buzuba obo mbwa ka Li tyola. Elyo, cindi naka Li tyola, waa kafwa. Mbo mbubo.

<sup>189</sup> Tu jisi Ijwi lya Leza lyaka simpikizigwa awa, kali simpikizya, kutondezya kwiinda ku Muuya, kuti Wa tutambula a kutupa Lubbizyo lwa Muuya Uusalala. Tula bapatizigwa mu Zina lya Jesu Kristo. I Makanimabotu ngaonya, zitondezyo nzizyonya, zigambyo nzyoonya, mulimo nguonya, awalo Musumpululu wa Mulilo nguwenya ulibonya kumbele lyesu, kutondezya zitondezyo a zigambyo. Taakwe ntamizyo, amwi.

Elyo nce ncico ncobeni Bbaibbele ncolya kaamba kuti ciyo citika ku mazuba aakumamanino, a kwiitwa kuzwa kuli Malaki 4, “ku kuboonya Lusyomo lwa bana kujokela ku matata abo alubo.” Elyo mpoonya buyo kuzwe ceeco, babi bayonda... na balulami bayondela aatala lyatwe lya babi; inyika yoonse yakali ya kuumpwa. Elyo maatomu ala lengelela kutala okuya, mabbomba mu zizyaanzikilo.

<sup>190</sup> Mwakabona eco Germany ncoya kacita mboba kabonena biyo kuti Mule... Muleli wajaigwa? Ba kaswaangana mpi yabo antoonwe cakufwambaana nconzyo, nkaambo eco cakali cintu cilikke cakali kukasya Russia kubbomba okuya. Elyo ba kauma... Kennedy waka batumina buyo ijwi, kuti, oora baaku cita eco, kuti wakali kuyo bagwisya kuzwa aa nyika, nkoonya kuzwa mu Germany. Mwabona? Elyo ba kayeeya kuti bakali kukonzya kukwiitola ku bweendelezi, pele tii lyakali oora pe, mwabona. Mwabona?

<sup>191</sup> Tu jana bakambausi, basongo bayiide, bavangeli, kusoleka ku Ci indilila ku muntuumwi umbi. Mwabona?

Baa, baa Pilato ncata kaamba kuti, “Ee, lindila aniini, oyu Muntu... oyu mukaintu waboola ku ndaambila, alimwi Nda kamvwa bumboni bunji bwa Nduwe. Nywebo mulizi, Ndi—Ndi bikkilide maanu. Ndi yanda kuziba. Ino inga Nda buti kuba a Buumi Butamani, Munene? Uli mu maanza angu. Ino inga Nda buti?” Ee, inga wati—inga wati... Wa kati, “Sena—sa Nduwe Mesiya? Sa—sa Uli i—i Mwaami waba Juda?”

<sup>192</sup> Wa kati, “Nce ncico nco kaamba. Yebo waka caamba.”

“Na, twa ambile, nincobeni, sa Uli Mwaami waba Juda?”

Wa kati, “Ku mamanino ayo Nda kazyalilwa.”

Wa kati, “Nse konzyi kujana butongo muli Nguwe.” Uh-huh. “Ee, Njo Mu samba buyo kuzwa ku maanza angu.”

<sup>193</sup> Wa ka muvwiila, pele ta kakonzya ku Ci tambula. Nkaambonzi? Ni caka ubausya loko bulemu bwakwe. Aboobo wa kayeeya kumu tumina kutala ku mwaalu uulanga cisi, akuyo bona ncakalino cita kujatikizya Ndilyo. Mwabona?

<sup>194</sup> I cintu neiconya lino, kaambo kala yutuka alubo. Ino uyo citanzi a Ndilyo, Ijwi? Ino weelede kucita nzi, kubuzya mwaalu, na bbishopo, na muntuumwi, ikuti na wakonzya kucinca kaambo kako ka lubapatizyo, ikuti na inga wacita *eci*, na kucita *eci*? Ubona *boobo*, “Nincobeni, to citi.” Wa tabika kujoka nkoonya kuli lwako. Ikuti na ula cita, uyo tandwa. Mwabona?

<sup>195</sup> Ni kwa kaubausya loko bulemu bwa bantu. Iiyi, ba—ba yeeya... Alimwi kkanso yatubungwe niya taima kwiima... Mbuli—mbuli Pilato mbwa ka Ci tabika kuli Kaisara; tiiba kakonzya ku Ci iminina. Kaisara waka Ci josya mu janza lya Pilato. Aboobo basola ku Mu tabikila ku beendelezi babo—batubungwe, nkabela tii cabeleka. Oku mancenjela tana beleka,

alimwi ta cikabeleki. Tii cakabelekela Pilato; tacika kubeleki; ta cikabeleki ku muntu umbi. Lino, cabili, cintu nco konzya kucita nku . . .

<sup>196</sup> Catatu, mubwini, nku Mu zumina na ku Mu kaka. To konzyi ku Mu samba kuzwa ku maanza ako. To konzyi ku Mu tabikila ku ciyanza cimwi cimbi, na cintucimwi cimbi. We elede kulanganya kaambo. Aboobo ino inga wacita nzi?

Mbuli Pilato, mbwakaima a cintu nciconya, wa kati, “Amundipa maanzi, Njo Ci samba kuzwa mu maanza angu, kutondezya!” Cindi naka bweeda, wa kacili kuyandika kukosola lubeta; tee caka mu tantamuna. Wa kasola kwaamba kuti, “Ee, Mebo, ikuti na Nse konzyi ku Mu gwisya maanza angu, Njo Mu bikka aa maanza a Kaisara.” Elyo Lya kajosya bubi, kujokela nkoonya kuli guwe.

<sup>197</sup> Cila cita kuli nduwe, akwalo, mbuli mugame. Ino uyo citanzi? Kutali eco baama ncoba kacita, eco taata nca kacita, eco mweembeli ncacita, eco Mukwesu Branham ncacita, kufumbwa cintu; Cili mu maanza *ako!* Ino uyo citanzi kujatikizya Ncico, a oyu Jesu uutegwa Kristo? Nkaambo, ujisi Bulowa mu maanza ako, alimwi Bwalo Mbulowa bwa Leza. Lino ncinzi ncoya kucita? Koba a mulandu wa kubambula. Mwabona?

<sup>198</sup> Inga wa Mu bambula, kuzumina kayanza kabukombi na kufumbwa nco yanda, na kuti, “Ee, Njo zumanana kubikkila kumbi. Nse kabi a cintu cakucita a cimwi ca zintu ezi zya mbungano.” To konzyi kucita ceeco. Uli mu maanza ako. Mbo mbubo. To konzyi kucicita. “Njo ciluba buyo cintu coonse.” To konzyi kucicita. Ci cili mu maanza ako. “Ee, Njo wamba buyo kuti, “Mweembeli wangu wakandi yiisya *ceeci.*” Li josya bubi, kujoka ncobeni. Kwalo nduwe. Uli zyi. Lino, inga wa Mu tambula na inga wa Mu kaka, kufumbwa buyo nzila njo yanda kucicita. Inzi? Ceelede kusika kuli umwi wabo.

<sup>199</sup> Lino ninzi? Mbuli Jesu mbwa kaambila ba Farisi aba, Wa kati, “Mbuli mbomuli Farisi boofu,” mwabona, Nguni unga waamba cintu nciconya asunu, “nywebo nobamayi babukombi, mula konzya kuziba ciindi ca kkomunizimu. Mu lwana maningi eco, a kuziba kuti Leza waka busya cintu nciconya caku munyonyoona.” Mwabona, mukutaziba Magwalo. Mwabona? “Mula, mula konzya kuziba kuti kkomunizimu iyo tola inyika. Inga wabona eco. Ula konzya kuziba ceeco.”

<sup>200</sup> Ziiyo zyesu zyonse zili ali kkomunizimu. “Amu zunde kkomunizimu!” Ndila cimvwa mane Ndila cimwa ku ciswiilila. Ndila ilwana, acalo. Nincobeni, Ndila ilwana. Pele Ndi lwana maningi mwaalumi na mwanakazi oyo uukaka Jesu Kristo, i Ijwi. Na, naa uli mukambausi na kufumbwa mbobede, uli sinkoloto mupati kuli Kristo kwindi oyo muna kkomunisti mbwa bedede. Takwe luzibo alimwi tazyi cintu kujatikizya Ndilyo.

Weelede kuziba. Wabona? Inga mwaziba ciindi ca kkomunizimu, pele tamu konzyi kuziba citondezyo ca buzuba mbo muponamo.

<sup>201</sup> Jesu waka baambila ba Farisi, kati, “Nywebo basikuupaupa!” Kati, “Mula unka anze akulanga milengalenga, akwaamba kuti zuba lilala acakusiya, juunzi bunooli bube bubu. Ikuti na mulengalenga ilabalangala,” kati, “yebo wati juunza buyooba buzuba kabotu.” Kati, “Mula konzya kuziba zitondezyo zya ciindi, na zitondezyo zya milengalenga a bube bwaciindi, pele zitondezyo zya ciindi tamu zyi.” Ngooyo Mbwa kabede, Mesiya, a ku Ukaka.

Elyo lyoonse tu kanana makani aa kkomunizimu a zimwi zintu ezi, pele, citondezyo ca ciindi, ta tu Ci mvwisiyi. Mwabona? Tula impya kubona ceeco, kuta cibona. Kukamantana antoomwe ndyoonya lino mu kutasyoma, nkabela bala citambula, pele kukakilwa kumvwisya a kubona citondezyo ca ciindi eco Bbaibbele ncolya kaamba kuti ciyooba.

Sena mwa Ci mvwa? Kweelele kujala, cakufwambaana loko eno. Ciindi ciya bumana, mwabona.

<sup>202</sup> Mbuli bamawisi mbo bakacita, mbobacita abalo, cintu nciconya sunu. Lino, muzeezo wasikwa. We elede kusikwa. Yebo ulelede kuusikila, munzila imwi. Mwabona? Kubambulwa kwa Ijwi alubo, na ncenzi ncoya kucita? Kubambulwa kwa Ijwi kuli afwaafwi. Kubambula a kulesya Ijwi lyaka simpikizigwa, nkambo—nkambo kakabungwe, mbuli Pilato mbwa kacita, kusola kuzwa kutabikizya muntuumwi. Lino ino uyo cita nzi, mbuli mugame, ku cita a Ijwi linanikidwe eelyo litigwa Kristo?

I mbobuca nguwenya, Kristo nguonya oyo wakananika Ijwi mu mazuba akwa Nowa. I Kristo nguwenya, oyo—oyo Musamu wakali mu muunda wa Edeni; oyo Eva ngwa kasiya, kulya kuzwa ku Musamu oyu wa Buumi, ku kubweza musamu wa busongo; wa, waa kasiya Musamu wa Buumi, kuti abweze musamu wa lufu. Ciindi ca Nowa wakacita cintu nciconya. Mu mazuba aa basinsimi, ba kacita cintu nciconya. Mu mazuba aa Kristo, ba kacita cintu nciconya.

Elyo mpaawa mpo babede sunu. Nkambo umwi aumwi ukanana ciindi cakwe, alimwi, cindi eco cintu nicaka zulizigwa, ciindi aciindi niba kabweza twaambo twabo twatubungwe, azimwi zimbi, a busongo bwa inyika mubusena bwa Ijwi lya Kristo uunanikidwe. Ino uyo cita nzi, mbuli mugame?

<sup>203</sup> Pilato taka Mu gwisya ku maanza akwe. Ndi—Ndi jala buya, aboobo amubatame loko aniini buyo. Pilato taka Mu gwisya ku manza aakwe. Ayebo toka konzyi, munzila nja kacita, kusola amwi mancenjela aya. Ta kacacita pe. Nywebo mulizi eco cakacitika kuli Pilato? Wa kasondoka. Cakaba obo konse cakuti Wa konzya kumvwa oko kubambula. Konse nkwakali kukonzya kumvwa bwakali bukali bwa luuni, cakuti kumalekelo wa kasondoka.

<sup>204</sup> Elyo bali jisi kaano kutala mu Norway, na pe... Mundi jatile. Kutala mu Switzerland; oko, Nda kaliko kutala okuya, missionari. Ba taminina kuti balizyuulu zinji bala bungana okuya, kuzwa ku inyika yoonse, a Guudu Fulaideyi; ciziba ca maanzi awo Pilato mpa kali jaila. Wa kali waala mwini cakubinda ku lufu mu ciziba eci cameenda. Elyo bataminina kuti lyoonse mu Goodu Fulaideyi, aciindi ca thrii okuloko masika, maanzi asanduka kuba bbulu, alabila kuzwa abusena mubili wa Pilato mpowa kalede. Wa ka Mu kaka. Kucili Bulowa mu maanza akwe. Elyo wa kaka, wa kakaka; maanzi.

To konzyi k Mu samba kuzwa ku maanza ako. Takukwe meenda, insipa isalazya, ikonzya ku Bu salazya. Uli mu maanza ako. Ino uyo citanzi a Nguwe?

<sup>205</sup> Nceeci cintu cilikke nco konzya kucita. Ikuti na tokonzyi ku Mu samba kuzwa ku maanza ako; tokonzyi ku Mu peda ku cinticimwi cimbi; tokonzyi ku ceenguluka cakuyeeyela kwabuyo. Taakwe nzila mu inyika. I cintu buyo nco konzya kucita nku Ci tambula, mu moyo wako. Eyo nje nzila yaku Mu gusya. Ko Mu gusye ku maanza anu a ku Mu bikka mu moyo wanu, na ku Mu siya mu maanza ako akwiima ku Lubeta. Eco nce cintu cilikke nco konzya kucita.

Magolelo a Pilato akali mabyaabi.

<sup>206</sup> I Ijwi lyaamba kuti abo baka Mu bamba mu maanza abo... Ne Li bala. Pele Lya kati, “Ba kalilila myaala a malundu. Ba kakomba, pele mipailo yabo yakali mukide.” Mwabona? Ba kalila, “Kotusisa kuzwa ku busyu Bwakwe oyo uukkede aa Cuuno cabwami, a kuzwa ku bukali bwa Kabelele, oko nku Mugutu wambelele, Buumi bwa Kabelele buboola. Nkambo, Buzuba bupati bwa Lubeta bwakacitika, alimwi nguni uyo konzya kwiima?”

<sup>207</sup> Ino muyeeya nzi Oswald ncayo cita lino cindi naenda kumbele lya Nkuta Yiinda, akubona ayo meso anyemedede a i—i basikukosola kaambo aboonse kaba kkede alya? Uli zyi eco ciyo citika. Iyooba ccemba ya gaasi, na ntambo kailengelela alya, na cintucimwi. We elede ku kulanganya.

<sup>208</sup> Pele ino kuti weenda anze awo a Bulowa mu maanza aako, bwa kukaka? Elyo kuziba kuti gehena ibikkidwe kumbele lyako, lunyonyooko Lutamani; koompolweda myaala a malundu; pele kaba komba, nkambo mipailo yakali mukide.

Mu ba Hebrayo 10, “Ikuti na twa bisya acaali.” *Cibi* calo “nkutasyoma.” “Ikuti na twaa unduluzya acaali twa mana kutambuli Bwini, luzibo lwa Bwini.” To elede ku Bu tambula; koziba buyo kujatikizya Mbubo. To elede kuba a Ndilyo, yebo buyo... Oh, peepe, peepe. Mwabona? Takaamba kuti, “twamana kutambula Bwini.”

*. . . ikuti na twa bisya acaali twa mana . . . katambula luzibo kuti bwalo mbwini, takucikwe limbi cituuzyo ca zibi,*

*Pele ii . . . kulangila kuyoosya kwa . . . i bukali buyonsya, . . . buya kunyonyoona i mulwani,*

*. . . Nkaambo Leza wakati, Lubeteko ndu Lwangu, nkabela Njo liya nkoto, mbwaamba—mbwaamba Mwami.*

<sup>209</sup> Ikuti na twa Cu unduluzya, acaali, kumane kuti Bwini bwa katondezegwa kuli ndiswe, taku cinookwe luse. Taku cinookwe luse luyo pegwa.

Mweembeli, uuswiilila ku teepu eyi, ino kujatikizya ncico? Membala wa mbungano, uswiilila ku teepu eyi, ino kujatikizya ncico? Ino uyo cita nzi, ikuti na twa Bu unduzya acaali? Konzyi ku Bu samba kuzwa ku maanza ako. To konzyi ku Bu sowela ku masena aendelezya. Buya kujoka mububi, nkoonya kuli nduwe. Wa ka Bu mvwa. Ino kujatikizya nduwe? Mbobuti mboya kwiima mu Buzuba obo?

Uli mu maanza ako na mu moyo wako, cimwi na cimbi. Leza kotu gwasya.

<sup>210</sup> Ikuti—ikuti mwakonzya buyo kuyeeyela kujaigwa, aceeco ceelede kwinda mu moyo wa muntu oyo. Ino wa kacita nzi? Wa kasinsimuka ciindi ka cimanide kale, nakamana kucicita kale.

Amulange, wa kajisi coolwe. Wa kazyalwa kali muna America waangulukide. Wa kali muna America. Pele wa kayanda kusambala bupati bwakwe, kukuba muna Russia, nkabela bubi bwamujokela. Wa kakwata musimbi muna Russia. Lino ngu sikuyeeya wa bulubusi iwa parti ya kkomunisiti mu Cuba.

Kuyeeya kwabulubusi, “Ndali yeeyela ndemwini.” To jisi muyeeyo uboola. Ino ula citanzi a Jesu uutegwa Kristo? Toli sikuyeeya wabulubusi. Taakwe zya kuyeeye cabulubusi. Amulekele muzeezo oyo wakali muli Kristo ube muli ndinywe.

Atu kombe.

<sup>211</sup> Amuyeeye miyeeyo eyi, “Ikuti na kuli kulumbaizya kumwi, ikuti na kuli bubotu bumwi, amu ciyeeye eci.” Akati kesu cifumo cino, alimwi mu teepu eyi, akwalo, Ndila kanana. Ikuti na uli nkoli cifumo cino, alimwi ulizi kuti toluleme kuli Leza, alimwi tona zyalwa ku Muuya Wakwe, nkabela Leza ujisi . . .

Yebo wati, “Ee, Nda kalyambilila.” Eco tacili nce Ndili mukwaamba. Sa Leza waka cizumina? Inga wati, “Iyi, Mebo, Nda kalyaambilila, a zimwi zimbi. Iyi, Nda syoma.” Mbubonya Pilato mbwakacita, “Nda kalyaambilila, masimpe, ‘Ino Ndiyo cita buti a oyu Muntu uululeme?’” To konzyi ku Mu sanzya kuzwa ku maanza ako mbuli obo. Peepe, peepe.



<sup>212</sup> Ino uyo citanzi a Nguwe? Ikuti na toli Munakristo wakazyalululwa, a Muuya Uusalala kaupona muli nduwe, kauvubya Buumi bwako, mpawo nkaambonzi to Utambuli eno? To kakonzyi kusamba Ceeci kuzwa ku maanza ako. Toka amvwi mamanino aa Mulumbe oyu. Uyo lila monse kusikila ukalete Mulumbe mu moyo wako, kuteeti Jesu Kristo ngu mbobuca nguwenya, sunu, amuya myaaka.

<sup>213</sup> Mu bbunga eli liboneka cifumo cino, sa kuli baabo awa bamvwisya kuti, taba luzi, alimwi inga mwa tambika maanza anu. Ta tujisi busena bwa lwiito lwaku cipaililo, busena buli zwide loko. Pele kwaamba buyo kuti, “Kondi kombela, Mukwesu Branham. Leza andi gwasye.” Leza aku longezye, Nda libona janza lyako. “Ngu, Ndila yanda, eno. Mpoonya awa Ndila yanda, kumbele lya Leza, Walo ulizi kuti Ndi jisi mulandu, alimwi Nda mvwisya kuti Ndi jisi mulandu. Ndi—Ndi yanda ku Mu gwisya mu maanza angu; Ndi yanda kuti Abe mu moyo wangu.” Tambika janza lyako, kwaamba, “Kondi kombela, Mukwesu Branham.” I Mwami aku longezye. Nda bona, mu mweelwe oyu wa bantu awa, ndiza maanza ali makumi one, makumi osanwe mujulu awa.

Kwiita sunu, kwiita sunu,

Amu ciyeeye lino, oyo Nguwe wiita. Jesu ulaita. Ngo Nguwe ukanana kuli ndinywe.

<sup>214</sup> Sena waka kabisya cakusakana, mane moyo wako wakayuma, mane toka, konzyi akwalo ku Bu mvwa limbi? Lomwe, mbuli mulombe muniini na musimbi muniini, wa ka Li mvwa. Wa kajisi kuyanda kwa kucicita, pele waka Ci zima, elyo wa kayumya loko a kuyumya ezyo zikwabbu a kukwelwa. Sa kuli sakene loko cakuti tokonzyi ku Li mvwa limbi? Sena uliimvwi awo. . . a yako. . . ku busena oko mbuli Oswald nkwaimvwi kuseeni okuno, kuti ulizyi? Uh! Mbobuti mbo konzya kucicita?

Sa inga kwaba umbi katutaninga kujala nkabela Ndila pa mupailo? Kuli koonse buyo mu buyake, yebo ota tambika janza lyako, kwaamba, “Mukwesu Branham, kuzwa buyo nowaamba majwi aa mamanino, Nda—Nda cimvwa eco.” Kufumbwa muntu, aanze, mu tuzila, kuzunguluka mpulungwido, kulikoonse, tacikwe makani. Buyo. . .

<sup>215</sup> Leza aku longezye, omulindu muniini. Leza aku longezye, munene, yebo. Ku bona. Uli aa. . . Leza aku longezye, omulindu. Umwi umbi? Leza aku longezye, mulindu. Leza aku longezye, awa. Elyo Leza aku longezye okuya, mulombe muniini, musimbi muniini. Iiyi, Mwami aku longezye. Kusule okuya, munene. Inzya.

Lino atu ciyeeye buyo eno. Ndi yanda kuti mucicite eci kuciindi no twiimba olu cabuteteete, *Jesu Ula Ita*. Lino Ndi yanda kuti waambe buyo kuti, “Mwami, koba siluse kuli ndime, sizibi, na sikulicengezya. Ndili cizo ca mbungano, Mwami, pele

Ndi—Ndi—Ndi yanda Nduwe. Ndi yanda Nduwe. Kondi gwasya! Ndiyo—Ndiyo Ku belekela. Nda cisyomezya, ndyoonya lino. Nda tambika janza lyangu, kuti Ndi Ku yanda. Lino Ko busya moyo wangu, kutegwa Ndi Ku tambule, alimwi Njo Ku tambula mu moyo wangu.” Kuciindi no twiimba kampango aka alubo, sa mula cicita?

Laita sunu, laita sunu,

<sup>216</sup> Lino paila munzila yako omwini. Paila eno.

Jesu laita . . .

Ngo Nguwe ukanana. Ako nke kaambo nco tambika janza lyako.

. . .laita cabuuya sunu.

Jesu ulaita, O Swilila ku Jwi Lyakwe,

Amu Mu swiilile . . .

Ndyoonya lino, ko Mu muwa. Kwaamba, “Mwami, Nda zulwa. Bulowa Bwako buli mu maanza angu. Ndime sizibi. Ta ndici Bu yandi limbi awo. Ta ndikonzyi ku Bu sanzya; Na kacisola, kwa myaka. Nse ka Ku futata mbuli Pilato mbwa kacita, a kusola ku Kutuma ku muntuumwi umbi. Ndi yanda Nduwe. Boola mu moyo wangu, ndyoonya lino, Mwami. Nda Ku tambula. Nda Ku bona koimvwi nkoonya kumbele lyangu, mbuli cinkozya kaciimvwi alya; ku lusyomo Nde enda moonya muli Nduwe, kuziba kuti Ula ndijatila. Elyo Ndili . . .Mu yooba mu moyo wangu, kuzwida kuli ceeci.”

. . .sunu,

Nyoonse amukombe.

Jesu ulaita, Ula ita cabuuya sunu.

<sup>217</sup> Taata Wakujulu, mulumbe muniini wakagola. Elyo lino, kusala, nkuta zyangikwa cifumo cino. Baangelo bali bungene mu kaanda. I Muuya Uusalala mulemu awa kaupa kusimpikizya kuti Jesu ucipona. Wa kali kasensa ka Buumi Butamani. I cuumbwe tii caka Mu jata, naanka gehena tiya kakonzya ku Mu bamba. Wa katanta kujulu; kwaanguluka kuzwa ku gehena, kwaangununwa kuzwa mu cuumbwe. Elyo Uli imvwi akati kesu, sunu.

Elyo tunsiyansiya twesu a tubungwe twaanga bantu besu banji, Mwami. Cibi ca baanga, pele sunu bayanda kwaanguluka. Ba ima mbuli Pilato, alimwi, mubusena bwa kusola ku Mu tabika ku muntuumwi umbi, baka tambika maanza abo, “Boola mu moyo wangu, Mwami Jesu. Nse ka Ku sambu limbi kuzwa kuli ndime. Nse konzyi kucicita. Ucili mu maanza angu. Nda kasamba a kusamba, nkabela To kazwa pe, pele eno Nda Ku tambula. Ndi yanda Nduwe mu buumi bwangu, alimwi Nda Ku tambula mu buumi bwangu. Mwami, kondi tambula mu Bwami Bwako, kwinda kukujatila zibi zyangu, a kundipa lusyomo lwa

kusyoma kuti Ula nditambula, Taata.” Ko cipa. Kwiinda mu Zina lya Jesu Kristo, twa komba.

<sup>218</sup> Elyo lino mbuli mbo mukotamikide mitwe yesu. Lusyomo, ku lusyomo . . . “Elyo, Leza, Kondi gwasya kuba uusyomeka. Pele mukuziba kuti Ula syomezya eco . . .”

“Oyo uya kusika kuli Ndime, Nse kamu tandi pe. Elyo Njo mupa Buumi Butamani, nkabela Njo mubusya ku mazuba aakumamanino. Oyo uyo Ndi zumina kumbele lya bantu, walo Njo muzumina kumbele lya Taata Wangu a Baangelo basalala. Oyo uumvwa,” bupanduluzi, bwakasimpe ibwa Musalali Johane 5:24 awo, ngu, “oyo uumvwisya, oyo utambula Ijwi Lyangu. Oyo utambula Ijwi Lyangu, a kusyoma ali Nguwe waka Ndi tuma, ujisi Buumi buteeli, alimwi takaitwi ku Lubeta.” To kabooli ku Mungwala wa Lubeta mbuli Oswald mbwanga wacita. “Pele wa kaina,” a kujatilwa kwabuyo, “kuzwa ku lufu kuyaku Buumi.”

<sup>219</sup> “Mwami, Ta ndizi nzila, Ta ndizyi kaambo, pele—pele Ndila syoma caka citika. Nda cisyoma eco, mu moyo wangu, kutasyoma kwangu kwa kamana. Inga ndaamba cakwanguluka kuti ‘ameni’ ku Ijwi lyonse Ndo kaamba, nkabela Nda Li zumina ndyoonya lino. Ndila cisyoma.”

<sup>220</sup> Lino a mitwe yanu kiikoteme. Nywebo nomu syoma obp, nomwa tambika maanza anu ziindi zisyoonto zyainda; aku lusyomo ula cibona cinkozya ca Kristo ka ciimvwi alya, omo moelede kuba. Yebo uleenda eno ku lusyomo, syoma kuti zibi zyako zyalakelelwa. Elyo kuzwa buzuba obuno kuyabuya, uli libambilide ku lubbizyo lwa Bunakristo, alimwi uli libambilide lino kweendela muli Kristo. Sa inga wacita, mbuli bumboni kuli Nguwe, tambika maanza ako kusule, kwaamba, “Ku lusyomo Nda Ci syoma a moyo wangu oonse”? Leza aku longezye. Eco ncibotu. “Nda Ci zumina eno. Nda—Nda zumina; taakwe nce Ndi konzya kucita.” Leza amu longezye. Kuboneka mbuli kuti umwi aumwi oyo Nda mubona. “Nda zumina lino.”

<sup>221</sup> Mwabona, toli kabotu, taakwe nokali kabotu, tokonzyi kuba kabotu, cita Jesu wakafwida bantu batakali kabotu. “Ino Nde elede kucita nzi, Mukwesu Branham?” Kozumina buyo eco Nca kacita, kozumina buyo eco Nca kakucitila. Elyo lino kwiinda muku Li syoma a ku Li zumina . . .

Lino, Nda syoma, mweembeli, ciziba ciyo julwa. [Mukwesu Neville waamba, “Iiyi.”—Mul.] Lubbizyo luyooaba mu ncililano, ikuti na uyanda kubbizigwa.

Ikuti na wa kabweza bubande, “Taata, Mwana, Muuya Uusalala,” uli ncobeni . . . Nda amba ceci a kubatama a kulemeka, pele, ku nzila yangu yaku cibona, tona bapatizigwi. Toli obo, nkambo tokacitaa eco Nca kaamba.

<sup>222</sup> Wa kati, “Muka bapatizye mu Zina lya Taata, Mwana, a Muuya Uusalala.” Ikuti na waka jisi buyo abo bubande mbo kaitilwa; Ta kaamba kuti, “Kamuya mukaite aya *mabande*;

kamuya mukaite ayo *mazina*.” Tii cakacitwa mu Bbaibbele. Tii caka citwa munzila eyo. Kwa kali, kubapatizya nzila Jesu nja kaamba, “Mu Zina lya Taata, Mwana, a Muuya Uusalala,” uuli ngu Jesu Kristo.

<sup>223</sup> Petro, a zizaluzyo, wakaamba cintu neiconya; muapostolo oonse uumbi, Mbungano yoonse; kusikila ku Nicaea Kkansa ntaanzi cindi mbungano ya Katolika yaba Roma niyakaba kabunganya, yakazumina mabande mubusena bwa Zina. Kwayanda waka bbizigwa mu kayanda kabuzumini kana Roma ka kabungwe, na kubbizigwa mu Zina lya Jesu Kristo, komwe na kumbi. Cili mu maanza aako; yebo tokonzyi ku Ci samba. Nko cili.

Wa Li tambula eno. Ndila kulomba, mbuli i—mbuli sikulizya organi a piyaano mbwa lizya ciimbo cakaindi cizizilwe:

Lusyomo lwangu lulanga kuli Nduwe,  
Yebo Kabelele wa Kalivari,  
Mufutuli Wabuleza;  
Lino kondimvwa kuciindi ne Ndi komba,  
Elyo gwisya milandu yangu yoonse,  
Elyo ndilekele kuzwida buzuba obuno  
Kuba Wako cakumaninina!

<sup>224</sup> Kutabi umwi uzwa mu buyake. Amwiimikile buyo cakubata lino, alimwi atu nyamune maanza esu kuli Nguwe eno.

Lusyomo lwangu lulanga kuli Nduwe, (Elyo  
Walo ndi Ijwi.)  
Yebo Kabelele wa Kalivari,  
Mufutuli Wabuleza;  
Lino kondimvwa kuciindi ne Ndi komba,  
Kogwisya zibi zyangu zyoonse,  
O ndilekele kuzwa buzuba obuno  
Kuba cakumaninina . . .

Cakumaninina a kuzulila, Wako! Nda pa buumi bwangu eno.

<sup>225</sup> I maanzi ala bambwa mu maminiti masyoonto. Ikuti na tokonzyi kubweza lubapatizyo eno, tuyo bapatizya alimwi sunumasiku.

Amu ciyeeye, masikati oonse, “Aa maanza anu.” Amu Bu gwisye. I nzila buyo njo konzya kucita, nku, sanzigwa mu Bulowa bwa Jesu Kristo, Nguni oyo . . . Mwabona? Iiyi, munene. Ko ciyeeya lino mbuli mbo tukotamika mitwe yesu. Amu Mu lange lino.

Kuciindi kusiya kwa buumi . . .


<sup>226</sup> I muzeezo uli mu moyo wako lino. Uli mukusolwa. I Ijwi lili bambilidwe kubambulwa. Kristo uli mukusolwa. Ino uyo citanzi a Jesu uutegwa Kristo?

Koba Nduwe Mweenzyi wangu;  
Lailila mudima kuba isikati,

Pukuta kuusa, misozi kuzwa,  
Tandi lekeli kusola kuleya  
Kuzwa kuli Nduwe kumbali.

Lino kukotamika myoyo yesu kuli ncico. [Mukwesu Branham ng'ung'una *Lusyomo Lwangu Lulanga Kuli Nduwe—Mul.*]

<sup>227</sup> Amuyeeye cakusakana, beenzuma. Inga lyaba zina lyako lya mamanino eelyo liinka mu Bbuku. Tuli ku ciindi camamanino. Lino koyeeya cakusakana. Sa uli, kuli umwi awa wa Mu tantamuna?

<sup>228</sup> Amuyeeye, kwayanda tacika booli alubo. Pilato taka jisi coolwe cimbi. Wa kasola kweelede kwakwe kufutulwa, nkabela ta kakonzya kucicita. Bwa kali mu maanza akwe. Elyo ino uyo cita nzi a Ijwi linanikidwe lya buzuba ubuno, litegwa Kristo? 

63-1124M Ino Nda Mucita Buti Jesu Uutegwa Kristo?  
Branham Tabernacle  
Jeffersonville, Indiana U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)